



歷官表奏目錄

卷第一

辭免察官狀

辭免起居郎狀

申三省乞罷兼職第七劄子

第二劄子

奏乞罷兼職狀

乞宮觀狀

乞未赴南劍申省劄子





乞避私諱中省劄子

辭免祕書少監兼權直學士院狀

草罷公武詔書不當待罪狀

求外劄子

乞免學士院兼職劄子

乞宮觀狀

乞改作時暫兼權兵部侍郎劄子

辭免權禮部侍郎狀

辭免升同脩國史實錄院同修撰狀

申省再辭狀

謝禮部侍郎表

舉自代狀

辭免兼侍講狀

謝侍講表

辭免書吳璘碑狀

乞免兼中書舍人劄子

謝宮觀表

辭富沙乞宮詞狀三首



謝宮觀表

謝右文殿脩撰表

辭免召命申省狀

到闕上殿乞郡奉祠劄子

除待制辭免狀

謝待制侍講表

舉自代狀

号外劄子

辭免兼直學士院狀

辭免兵部侍郎狀

不允詔

辭免兼侍講狀

不允詔

謝兵部侍郎兼直學士院表

舉自代狀

卷第二

謝侍講表

辭免兼詹事狀



不允詔

東宮賀冬牋

東宮賀正牋

祭社祝文待罪劄子

謝宣諭劄子

辭免轉官狀

不允詔

辭免書韓世忠神道碑劄子

繳書神道碑劄子

辭免潤筆劄子

謝劄

辭免陞兼侍讀狀

不允詔

謝侍讀表

辭免吏部侍郎狀

不允詔

謝吏部侍郎表

舉自代狀



請外劄子

吏部侍左進天申節功德疏右語

東宮賀冬牋

東宮賀正牋

辭轉官狀

不允詔

辭免翰林學士狀

不允詔

宣召節次

口宣

謝宣召入院表

謝表

舉自代狀

謝衣帶鞍馬表

卷第三

辭免兼修國史狀

不允詔

舉李塾賢良不應格待罪劄子



東宮賀正牋

東宮賀冬牋

乞郡劄子

不允詔

再乞外任劄子

奏謝劄子

再乞去劄子

不允詔

第三乞外劄子

奏謝劄子

辭免 東宮轉官狀

不允詔

乞宮觀第一劄子

不允詔

乞宮觀第二劄子

奏謝劄子

繳還殿中監職事申狀

明堂禮成賀 東宮劄子



未即詣 東宮劄子

會慶節賀劄

辭免吏部尚書兼翰林學士承旨狀

不允詔

再辭免兼翰林學士承旨狀

不允詔

第三辭免兼翰林學士承旨劄子

謝表

舉自代狀

卷第四

東宮賀年牋

同講筵官辭免進讀

三朝寶訓終篇轉官狀

不允詔

申省詔

進謝恩詩表

同侍從慰 皇子魏王薨奏

乞宮詞劄子

不允詔



再乞宮詞劄子

奏謝劄子

辭免叅知政事劄子

不允詔

辭免叅知政事表

批答

批答口宣

謝叅知政事表

謝太上皇帝表

謝東宮牋

辭免正謝賜衣帶鞍馬劄子

辭免叅勅局劄子

不允詔

生日詔

謝表

旱災待罪劄子

不允詔

乞罷黜表



御筆

東宮賀冬牋

卷第五

東宮賀年牋

辭免劄子

不允詔

再辭表

批答

謝轉官表

謝 太上皇帝表

謝 東宮牋

同趙相已下以霖雨待罪劄子

不允詔

再乞罷黜劄子

不允詔

中使賜生日詔書

謝表

東宮賀冬牋



乞罷政劄子

不允詔

乞罷政表

不允詔

乞通進司收接文字劄子

賜生日詔書

謝表

乞序位李彥穎下劄子

第二劄子

辭免知樞密院事劄子

不允詔

辭免知樞密院事表

批荅

口宣

謝表

謝太上帝表

謝六東宮牋

謝明堂加息表



乞与王嘉賓換闕劄子

卷第六 東宮

同施樞密以旱災乞罷黜劄子

不允詔

同二府乞罷黜劄子

不允詔

旱災乞出表劄子

再乞出劄子

御札不允

奏謝劄子

預辭生日牲餼奏

御批

生日詔

謝表

為二兄乞再任宮祠劄子

東宮賀冬牋

太上皇右慶壽賀東宮劄子

辭免樞密使劄子



不允詔

辭免樞密使表

批荅

辭免樞密使第二表

批荅

謝表

謝太上皇帝表

生日詔

謝表

賀東宮生辰劄子

東宮賀冬牋

東宮賀年牋

天申節滿散功德疏

乞令宰臣兼樞密使劄子

生日詔

謝表

問聖體劄子

東宮賀冬牋



郊禮祀成謝加食邑表

謝 太上皇帝表

謝東宮牋

免赴正旦入賀劄子

卷第七

賀正旦表

德壽宮慶壽趣赴不及劄子

東宮賀正牋

請假十日劄子

謝宣醫劄子

謝賜藥方劄子

辭慶壽轉官加恩劄子

不允詔

辭轉官加恩表

批荅

辭轉官加恩第二表

批荅

謝表



謝 太上皇帝表

謝 東宮牋

生日詔

謝表

求祠第一劄子

第二劄子

不允詔

第三劄子

不允詔

東宮賀冬牋

辭免進書減磨勘劄子

辭免右丞相劄子

不允詔

又辭免右丞相劄子

東宮劄子

辭右丞相表

批荅

第二辭表



批荅

謝表

謝 太上皇帝表

辭免兼職劄子

不允詔

因陳賈論王謙待罪劄子

不允詔

夏旱乞罷政劄子

不允詔

第二劄子

乞罷政表

不允詔

再同王丞相黃參政乞貶降劄子

再乞罷政劄子

辭免生日生餼劄子

同王丞相黃參政乞減俸劄子

辭免復俸劄子

不允詔



賀東宮生辰劄子

卷第八

辭免謚冊寶行礼支賜銀絹劄子

攝太傅持節前導 太上梓宮量帶激賞庫官會犒設

劄子

光堯梓宮發引慰 皇帝表

慰 皇太后牋

慰 皇后牋

光堯梓宮到思陵攢宮安寧狀

慰 皇太后牋

慰 皇后牋

三月二十四日奏

三月二十七日奏

思陵掩攢慰 皇帝表

慰 皇太后表

慰 皇后表

乞導從虞主還行在奏

謝傳宣撫問并賜銀合茶藥狀



未敢乞對劄子

辭免 德壽宮銀絹劄子

求去劄子

辭免提舉編脩玉牒劄子

不允詔

再辭免劄子

明堂禮成同宮僚賀東宮劄子

謝封濟國公表

謝 東宮牋

辭免加息正謝日榷賜劄子

乞去劄子

辭免左丞相劄子

不允詔

第二劄子

東宮劄子

乞去第一劄子

不允詔

第二劄子



第三劄子

第四劄子

辭免左丞相表

批荅

第二辭表

批荅

謝表

謝東宮牋

辭免兼叅劄子

不允詔

卷第九

辭免少保劄子

不允詔

辭免表

批荅

再辭免表

批荅

再辭免劄子



不允詔

第三辭劄子

不允詔

第四辭劄子

辭免冊命劄子

允詔

乞序位在嘉王之下

謝除少保表

謝重華宮表

辭免講堂轉官回授劄子

不允詔

辭免轉官公據劄子

不允詔

辭免親饗禮儀使支賜劄子

乞去劄子

乞去狀

御批

再乞去劄子



辭免除賊判潭州劄子

不允詔

再辭表

同日奏劄

重華宮奏劄

乞以元官奉祠并免謝辭劄子

謝除醴泉觀使表

重明節開啓疏

重明節進功疏右語

重明節賀表

重華宮會慶節功德疏右語

重華宮會慶節賀表

冬至節賀表

卷第十

年節賀表

重明節祥符寺開啓疏

重明節天慶觀開啓疏

重明節進功德疏右語



重明節賀表

重華宮會慶節進功德疏右語

重華宮會慶節賀表

冬至節賀表

辭免判隆興府劄子

貼黃

不允詔

年節賀表

再辭免判隆興府第二劄子

允詔

繳勅書銀合臘藥狀

重明節進功德疏右語

重明節賀表

重華宮會慶節進功德疏右語

重華宮會慶節賀表

辭免除觀文殿學士判潭州劄子

不允詔

再辭免劄子



不允詔

三辭免劄子

冬至節賀表

郊祀禮成賀表

潭州謝上表

郊祀謝赦表

郊祀禮成謝加食邑表

高宗加上謚號賀表  
重華宮表

賀皇帝表

賜銀合臘藥勅書

謝表

賜紹熙三年曆日宣

謝表

年節賀表

問聖體劄子

賀御殿劄子

辭免復覲文殿大季士劄子

不允詔



辭免復覲文殿大學士表

不允詔

謝表

賜銀合夏藥勅書

謝表

降郡公謝表

重明節進功德疏右語

會慶節進功德疏右語

會慶節進銀狀

冬至節賀表

馬祠劄子

不允詔

賜銀合臘藥勅書

謝表

謝賜紹熙四年曆日表

卷第十一

年節賀表

誕皇孫賀 重華宮表



賀皇帝表

乞宮祠奏

第二劄子

賜銀合夏藥勅書

謝表

謝復益國公表

重明節進功德疏右語

乞宮祠狀

不允詔

辭免吳隆府狀

不允詔

慈福慶壽賀表

賜銀合臘藥勅書

謝表

再辭判陰興府狀

謝醴泉觀使表

重華上仙慰皇帝表

重華上仙慰太皇太后表





重華宮功德疏右語

移御 壽康宮起居表

皇帝登寶位賀表

重明節開啓疏

重明節功德疏右語

重明節賀表

瑞慶節開啓疏

瑞慶節滿散疏

瑞慶節功德疏右語

瑞節慶賀表

冬至節賀表

明堂禮成賀表

辭免軍恩轉官狀

不允詔

軍恩辭免轉少傅表

不允詔

謝差官賜告狀

又手劄



再辭免軍轉表

不允詔

乞將軍轉回授狀

申尚書省狀

謝明堂禮成加息表

卷第十二

乞致仕表

不允詔

第二表

不允詔

第三表

謝致仕表

孝宗小祥起居表

賀重明節表

賀生皇太子表

賀三宮冊寶禮成表

賀韓皇后冊禮表

慰慈福上僊表



重明節功德疏右語

賀瑞慶節表

謝郊祀禮成加恩表

謝慶禮支賜狀

賀生皇太子表

慰太上皇 上僊表

慰太上皇 上僊表

壽康宮追薦疏語

謝明堂禮成加恩表

慰韓皇后上僊表

謝降官表

賀太皇太后加上尊號表

辭免復少傅狀

不允詔

賀立楊皇后表

謝復少傅表

賀瑞慶節表

謝郊祀禮成加恩表



賀瑞慶節表

歷官表奏目錄

歷官表奏卷第一

周益文忠公集一百二十二

紹興三十二年

辭免察官奏狀



左宣教郎祕書省正字兼國史院編修官臣周某狀奏右臣今  
月四日準尚書省劄子三省同奉 聖旨除臣監察御史日下  
供職者自天命踏地無容伏念臣奮自寒鄉最為冗士獻芻言  
於召試之日蒙睿獎於面對之初久並英游莫伸薄效不圖簡  
記更誤選掄予直栖鳳之南察事行馬之外臣猶自駭人謂斯  
何敢陳量已之言祈寢出綸之渥俾安舊次免累 聖知伏候



勅旨五月五日三省同奉 聖旨不允

辭免起居即奏狀

左奉議郎監察御史 臣周某狀奏右 臣今月二十三日準尚書省劄子三省同奉 聖旨除臣起居即日下供職者明命初傳震恐無地臣竊以柱下置史君舉必書自我 祖宗甚難此選或以九次文館或以嘗歷劇曹或以德望詞華度越流輩然後稽參輿議舉而授之未有資淺望輕徑躋而躡至者也如臣無狀豈不自知欲勉於問學而智識甚凡欲動於事為而才力不逮三年朝路一善未聞 太上皇帝意其退縮似恬靜鄙樸似愚直拔而自之六察之列使事陛下今既數月矣畧無補報日夜常自刻責豈謂驟膺東擢入侍螭階稽之舊章既慙踐歷緊之近比更愧超踰幸今誤恩雖加而贊辭未出捧人改授猶可及也惟 陛下矜其誠懇而俯從之臣不勝幸願謹錄奏聞伏候 勅旨八月二十四日三省同奉 聖旨不允

申三省乞罷兼職第一劄子

左奉議郎試起居郎兼編類 聖旨以詳定官兼權中書舍人周某劄子昨準尚書省劄子奉 聖旨兼權中書舍人今來正官員數已多合行罷權候 指揮十一月二十五日三省同奉



聖旨令周某依舊兼權陳俊卿職事

第二劄子

某先奉 聖旨兼權中書舍人今緣正官員數已多遂乞罷權  
今月二十五日準尚書省劄子奉 聖旨令依舊兼權陳俊卿  
職事者某竊惟官闕則權員多則罷此亦常事何待固辭况外  
制已有兩人而奉使于外者又將還闕豈可以某暫曾攝事始  
令依舊充員居之不安其敢自恕欲望再與敷奏俯從所請庶  
幾小官不失辭受之義候指揮十一月二十六日三省同奉  
聖旨依已降指揮不允

奏乞罷職兼職狀

臣近者兩具劄子乞罷兼權中書舍人職事準尚書省劄子三  
省同奉 聖旨依已降指揮不允伏念臣昨被旨兼攝之初豈  
不知與聞基命潤色書贊非臣不達國體素無文采之人所能  
勝任然以謂劉珙出使不過數月西掖獨員或有妨礙故雖自  
知非據亦復承命不辭今劉拱將歸唐文若張震在職若犹迫  
於威命儼然如舊則是暫權乃欲久假兩請皆為文具於臣辭  
受之義無乃戾乎又况遇闕則他職兼領官多則指日罷去蓋  
百司庶府之常事臣不敢遠有援引昨見侍讀闕官嘗命侍講



黃中時暫兼權尋除洪遵中即乞罷若計侍讀員數則中尚可兼領此最近事人皆知之今臣所以力辭本非廉退但事体當爾不敢中輟區區之心實在於此伏望聖慈特賜察許臣解罷上件兼權職事非惟私羨得以少安抑亦免為識者之所譏諒不勝幸甚疊冒天威罪當萬死取進止十二月十一日三省同奉聖旨不允

隆興元年

乞宮觀奏狀

左奉議郎試起居郎兼編脩類聖政所詳定官兼權中書舍

人臣周某狀奏臣輒瀝血誠仰干聖造伏念臣先塋多在吉

州惟臣母葬信州父欲遷奉緣臣備數于朝力所未能爰自今

年正月屢經朝廷陳乞假告繼又力請外祠而宰執不為敷奏

因循至今人子之心晨夕不遑緣此心氣怔忡居常抱疾安能

纂修記注攝贊書舍必繇曠職重抵司敗之誅若非觸冒萬死

投誠君父則進退失據誰肯為臣言者伏望聖慈下臣此章宣

問宰執如臣前此果因遷葬乞去非敢矯妄即授臣宮觀一次

使遂其區區之志臣今齒髮尚壯佗時或有繁劇任使雖赴湯

蹈火所不敢辭輕犯天威臣無任震灼俟命之至謹錄奏聞



伏候勅旨三月二十八日三省同奉 聖旨依所乞差主管  
台州崇道觀任便居住

乾道六年 此果自是某子去和姓高某明姓白官儲一六  
外應乞未赴南劍申省劄子 三月廿七日

左朝奉郎新權發遣南劍州周某劄子昨準勅差權發遣南劍  
州替王固待闕已及二年依近制合赴行在奏事緣某舊有心  
氣之疾近來發歇不常觸事情憤忘見往它處尋訪醫藥若不自  
度勉強前去不惟到闕之日定失朝儀亦慮臨民之際决致瘵  
曠欲望朝廷特与奏改授祠廟差遣或許改替已差下人劉敏  
求庶幾它日所患痊平尚能效犬馬之力伏候指揮

右勘會已降指揮除福建路提刑填見闕今劄付新除福  
建路提點刑獄公事周朝奉疾速前來奏事訖前去之任

准此

外父野乞避私諱申省劄子 五月十五日

左朝奉郎周某準尚書省劄子三月二十五日三省同奉 聖  
旨除某福建路提點刑獄公事填見闕伏念某去國八年復叨  
委使感戴 上恩豈應辭避但某父名利建興本路名號相犯  
既非所連之字即与偏諱不同兼某近以心氣舊疾時復發作



方辭典郡敢冒察州、欲望朝廷檢會前劄及今來乞避私諱事、  
理特与敷奏、昇以祠祿或改換一待闕差遣、庶幾愚系得以少  
安緣再準省劄令疾速前來奏事、訖前去之任、不敢稽違朝命、  
見迤邐至前路、聽候指揮、吏部供到檢準紹興令諸府號官稱  
犯父祖嫌名及二名偏犯者、皆不避勘會本官父名利建、即係  
二名偏犯者、皆不避勘會本官父名利建、即係二名偏犯、依條  
不合迴避申聞事、

右劄付新除福建路提點刑獄公事、周朝奉、遵依已劄下  
事理疾速奏事、訖前去之任、准此、

辭免祕書少監兼權直學士院奏狀

左朝奉郎新權發遣福建路提點刑獄公事、臣周某狀奏、右、臣  
今月十八日準尚書省劄子三省同奉、聖旨除臣祕書少監、

兼權直學士院者、冒膺兼組、增震孤衷、竊以貳職仙蓬、攝官禁  
苑、俱為清選、專用名儒、伏念臣早誤、聖知中歸農畝、八歲傾  
心於天日、一朝稽首於軒墀、辱臨遣之溫言、將適驅於暑路、忽  
叨改命、大過初心、惟舊學之素迂、加比年之病忘、雖厚恩未報、  
詎敢忘魏闕之存、然薄技無堪、恐難寓禁林之直、固有令行而  
或反、仰祈人歎之曲從、所有上件恩命、臣未敢祇受、謹錄奏聞、



伏候勅旨七月二十三日三省同奉 聖旨不允

草晁公武詔書不當待罪奏狀

右臣近蒙 聖旨擢貳祕書寓直翰苑臣自度荒踈愚戇加之  
素有心氣之疾難以攝視草之任嘗具辭免乞賜寢罷既而祇  
受不允之命微賤小臣未敢再有陳請只俟旦夕輪對冀得披  
露血誠今者果緣書詔輕重失倫至動 御筆改定不職之罪  
合寘嚴誅萬一陛下海涵天覆未忍遽加鈇鉞即乞改授在外  
宮觀差遣使得以休養心神循省愆咎干犯天威臣無任戰栗俟  
命之至謹奏聞伏候 勅旨八月九日三省同奉 聖旨不允

求外劄子

左朝散郎祕試書少監兼權直學士院臣周某劄子奏臣竊見  
近制卿監郎官率用實歷監司郡守之人蓋欲更民事備任使  
也臣雖曾蒙恩差知南劍州除福建路提刑然方赴而改未考  
治民之功前日 陛下賜清閑之燕堂具奏江西賦重民困間  
有寇盜當擇守令布宣德化臣誠不佞欲望 聖慈稽用更迭  
詔書畀之小郡使試行其言自效尺寸於以少副陛下 一視內  
外器使人才之意臣不勝幸願取進止九月十五日三省同奉  
聖旨不允



乞免學士院兼職劄子

左朝散郎試秘書少監兼國史院編修官實錄院檢討官兼權直學士院周其劄子近蒙 勅差兼史院實錄院職事緣 四朝國史及 徽宗實錄事體重大非悉心竭力考證同異尋絳事實無由可以下筆欲望 朝廷特与敷奏免攝內制職事庶幾一意本職不至闕誤候 旨揮十月二十四日三省同奉 聖旨不允

乾道七年

乞宮觀奏狀

具位臣周其狀奏右臣才質駑下一無可取方其少時弊精神於舉業因得心氣之疾間遇發作觸事差繆比蒙 聖恩實在冊府屢嘗自馳未奉 俞旨茲職復踰半年猶冀圖報萬一而所苦浸劇寢食不寧外雖粗若可支中實難於勉強若不亟去殆將隕生欲望 聖慈特賜矜憫改授在外宮觀差遣使得一意將理免至遂為廢人干冒 天威臣無任戰汗之至謹錄奏聞伏候 勅旨三月七日三省同奉 聖旨不允

乞改作時暫兼權兵部侍郎劄子

具位周其劄子今月一日準尚書省劄子節文三省同奉



聖旨周某兼權兵部侍郎緣上件職事元係太府少卿直齋兼  
權日今雖在建康府其兼職自合依舊欲望朝廷特与敷奏止  
令某時暫兼權候查齋田口罷庶幾事體為先候指揮五月四  
日三省同奉聖旨依

辭免權禮部侍郎奏狀

左朝散郎試祿書少監兼國史院編脩官實錄院檢討官兼權  
直學士院兼權兵部侍郎臣周某某狀奏右臣今月十九日準尚  
書省劄子節文三省同奉 聖旨周某某可除權禮部侍郎日下  
供職者有命自天措身無地伏念臣空疎庸懦一無可取決科

干祿本以代耕而陛下方居潛邸已記其不腆之文暨登大寶  
首在拔擢之數恩私未報自投閑散比叨起愈廢被眷知蓬閣  
史闡禁林武部身兼數職莫匪清華雖陛下激厲疲駕每諭進  
擢之意而愚臣自揣才力屢控退休之辭今者成命驟頒聯榮  
禁路載惟蹇淺加以病衰玉帛鼓鍾犹未辨其名物而况秩宗  
典樂以和邦國乃使臣輩與聞其事豈不上累 聖鑒下為清  
議所譏伏望 陛下嚴近侍之選收已行之令俾臣姑安舊次  
亦勉效其愚所有恩命未敢祇受謹錄奏聞伏候 勅旨七  
月二十三日三省同奉 聖旨不允



辭免升同脩國史實錄院同脩撰奏狀

左朝散郎權尚書禮部侍郎兼權直學士院臣周其狀奏右臣  
準尚書省劄子七月二十四日三省同奉聖旨差臣同修國史  
實錄院同脩撰通不出三員之數者殊渥荐加危衷增厲伏念  
臣本疎文藝尤乏史才攝事玉堂已慙於舊直計負金鑪更假  
於新榮名稽叙進之規實溢同升之數昔劉子元居祕書而領  
史事自矜又處於載言賀知章遷儀曹而兼集賢士論共榮其  
兩命臣學非二子而寵萃一時雖出誤知難安愚分儻不量牛  
馬之走乃或冒熊魚之兼必噴煩言上辜洪造願俯從於固避  
庶無負於曲成所有息命臣未敢祇受謹錄奏聞伏候 勅旨  
七月二十六日三省同奉 聖旨不允

申省再辭狀

某近具奏辭免兼同脩國史實錄院同脩撰息命準尚書省劄  
子備奉 聖旨不允者竊以編摩之職既嘗冒居位序之升非  
敢多遜實以通計負數近無此例儻隳典故懼速罪辜欲望朝  
廷再與敷奏許免上件兼職伏候指揮七月二十八日省劄檢  
會已降指揮不允

謝禮部侍郎表



臣某言伏奉 誥命除臣權禮部侍郎仍改賜章服者掌祿府  
 之圖書久玷英游之列奉甘泉之筆橐駝汗法從之班恩厚踰  
 涯感深次骨臣某中謝臣聞知人繇乎堯哲不職著於周官明  
 三德以有家所以撫五辰而疑庶績佐六卿而率屬所以倡九  
 牧而阜兆民何畏巧言其惟吉士如臣者以一介甚竦之迹荷  
 兩朝特達之知槐市遶山早塵華選烏臺寫掖浸涉要塗嘗中  
 迄於江湖亦旋歸於觀闕踰年于此片善莫聞心跼蹐以不安  
 顏忸怩而固措以期顯黜乃誤殊遷惟宗伯古之清曹惟貳卿  
 今之撫任禮樂自天子出雖上稟於聖謨邊豆則有司存當俯  
 求於故實夫何鄙朴而許攝承夙夜直紘惟清莫遂變龍之遜  
 文章煥焉可述更慙東馬之飛茲蓋伏遇 皇帝陛下冠古聰  
 明御圖勤儉辨臣鄰之邪正昭示抑揚閱風俗之墮偷力加勸  
 沮知臣雖無可用之實察臣粗有不欺之愚特假寵榮俾陪亞  
 旅臣敢不益堅素守更厲丹心效守職之小忠詎塞論思之責  
 竭事君之大節或酬覆燾之仁臣無任

舉自代奏狀

朝散郎權尚書禮部侍郎兼同脩國史兼實錄院同修撰臣周  
 某準 令諸侍從官投訖三日舉官一員自代者右臣伏覩左



奉議郎直敷文閣寧國府司馬鄭伯熊學廣聞多履方行粹俾  
聯華於禁近必振譽於寅清臣實不如舉以自代

辭免兼侍講奏狀

具位臣周某狀奏右臣準尚書省劄子三省同奉 聖旨差臣  
兼侍講者成命初傳以懼以恐臣聞 藝祖甫定天下即召處  
士王昭素講易禁中兼訪民情真宗復置講讀學士分直祕閣  
專備顧問列聖相承遂以崇儒重道為家法自 陛下握圖御  
極首闢齟禁命經筵官番宿其中朝宣夕召殆無虛月傳問勤  
詢固匪治道蓋不特藉其敷釋大義誦說舊聞應邇英故事而  
已臣以陋劣情於經術叨陪禁從常懼不稱而况日朝垂拱可  
以告辰 獻寓直北門可以備夜對使有萬分之補不待更參講  
勸也伏望曲回淵鑒亟寢兼官或特起逸民追開寶之盛或改  
昇時彥庸咸平之規使臣上不至妨賢下不失常力是 陛下  
賜臣多夫孰與貪榮踰分之愧乎所有恩命臣未敢祇受謹錄  
奏聞伏候 勅旨九月九日三省同奉聖旨不允

謝侍講表

臣某言伏奉 誥命差臣兼侍講者王人多聞尚急詢謀之益  
儒者寡要况非殫洽之才望虎視之深嚴負鵜梁之愧慙臣某



中謝臣竊以祖宗盛際講讀最親匪爵秩之攸拘惟英賢之  
是任上或處三公之舊下亦延九品之卑雖言語侍從之勞日  
計不足然緝熙光明之助職思其憂孰謂下臣可膺高選此蓋  
伏遇陛下有堯之聰明而靡忘稽古有禹之勤儉而力戒矜  
能六藝之文蓋皆見於行事諸儒之學豈足望於清光更資一  
得之愚使效萬分之補載考朝廷之制凡兼文館之官雖宰司  
提領之尊無內史訓詞之寵惟陪經幄必錫贊書蓋道既重則  
禮焉可輕而待之隆則報宜加厚臣雖極陋敢不深思區區傳  
註之間難視近效懇忠嘉之際或勸遠圖臣無任

乾道八年

辭免書吳璘碑奏狀

右臣伏準尚書省劄子備奉

聖旨差臣書吳璘神道碑者臣

竊以書雖一藝亦須素習乃工臣之不能衆所共悉儻或強其  
所短勒之豐碑深恐上無以稱陛下追寵勳舊之心下無以  
慰天挺顯揚其親之意願回前命別付能者謹錄奏聞伏候  
勅旨正月十日奉聖旨不允

乞免兼中書舍人劄子

臣昨奉聖旨以趙雄同知貢舉差臣攝行西掖文書臣以時



暫不敢辭避近者趙雄丁憂復令臣依舊兼權緣臣兼職已多  
才不能給決致瘵曠上累 聖知今林檎送件未歸韓元吉已  
嘗攝事欲望 聖慈免臣兼權取進止二月三日奉 聖旨依

謝宮觀表

臣某言昨奉 聖旨与在外宮觀又奉 聖旨今日下出門尋  
準 勅差提舉江州太平興國宮任便居住者囊封初奏簿責  
隨加 犹昇祠官示寬黜典臣某 中謝伏念臣猥緣小技久辱大  
恩當 陛下應乾出震之初攝贊西臺之名命賢 陛下祀帝

榮親之際預裁中禁之詔書自當優游乎文字之間乃敢僭率  
於封章之內再茲妄發可謂數竒蘇、威命之行及、孤蹤之  
殆晨趨鳳闕綰五組之光華夕侶漁舟被一蓑之藍縷雖云去  
國尚爾全生此蓋伏遇 皇帝陛下御衆以寬退人以禮縱負  
丘山之罪不加斧質之誅始使汰歸俾知循省臣虛霑廩稍寔  
覩面顏身在江湖悵闕庭之浸遠心如葵藿望天日以常傾臣  
無任

乾道九年

辭富沙乞宮祠第一狀

朝散郎新知建寧軍府事兼管内勸農使周某某狀右某近準



告命授前件差遣尋準省劄備奉 聖旨疾速前去之任緣某  
舊有心氣之疾去歲以來發作無時觸事情忘奉措顛錯近日  
復中風濕左臂緩弱腰膂沉痛衆所共見委實不能枝梧難以  
冒膺郡寄况起廢之由昨已報行人人皆知 聖朝公恕不棄  
一夫之意今來自以不豚狗馬之疾乞投閑散揆之事理別無  
規避欲望 朝廷特賜敷奏再與宮觀一次他時有廖別聽委  
使謹具申尚書省伏候指揮四月十日三省同奉 聖旨不允  
依已降指揮疾速前去之任仍具起發月日申尚書省

第二狀

右某昨緣疾病陳乞宮祠準省劄備奉 聖旨不允依已降指  
揮疾速前去之任仍具起發月日申尚書省詔旨丁寧理難稽  
慢自合恭稟即時起發而所患浸加勉強不前願至再傾肝膽  
哀祈造化蓋聞難得者時當安者命如某不肖親逢 聖主首  
被拔擢中雖流落簡記弗忘頃再還朝寢躋華要每因燕見獎  
勵有加得時如此寧非至幸然自初政以來逮今一紀其間閑  
廢不翅十載常恨無階少彈犬馬之力茲叨鳴施起守潛藩宣  
化承流庶幾自竭豈應再三避免以干大戾其如命與時左事  
與願違心氣舊疾日甚一日腰臂痛楚通夕呻吟稟生窮薄抑



可知已若復不安羨命与疾涉遠大或斃路道路小則遂為廢  
人抑揆寬仁必賜憐憫况某父名某適同府踰縱禮律二名無  
避在人子終有未安伏望朝廷特賜敷奏令且食祠祿以便醫  
藥圖報天地父母之恩九殞無已謹具申尚書省伏候指揮六  
月十日首劄檢坐不允指揮及吏部供二名偏犯依條不合  
避催促赴任

第三狀

右某昨緣衰疾疊乞外祠屢準省劄未奉 俞音已扶僊起發  
赴新任依已降指揮具申尚書省訖今來至隆興府豐城縣心  
氣大作顛倒昏忘見於言動服藥無效日益羸困進則病勢如  
此止則通慢有誅重念某才力凡下無毫分可取誤蒙記錄昇  
之民社豈不思仰體宥過之意自勉治民之效不幸舍薄病侵  
靡容勉强乞為敷奏時与宮觀一次使得專意醫藥異時圖報  
尚冀捐軀謹具申尚書省伏候指揮九月十七日三省同奉  
聖旨依所乞

謝宮觀表

臣某言伏奉 勅命差臣提舉江州太平興國宮任便居住者  
病辭假守方虞金木之恩与真祠曲荷乾坤之造危心頓釋感



念

載零臣、其中謝伏念、臣蚤值龍飛、首登鑾陛、出入雖周於一紀、廢閑乃闕於十年、伊悔吝之自貽、蓋竒窮之素定、比叨鴻渥、寵畀潛藩、非不知委寄之隆、所願效承宣之力、而臣命同才薄、事與心違、積困采薪之憂、未臻勿藥之喜、逡巡屢請、荏苒三時、黃香空任於宮臺、難堪東郡、汲黯懼填於溝壑、敢薄淮陽、迄誠悃之上通、脩俞音之下逮、此蓋伏遇 皇帝陛下、天臨海宇、器使人材、憐臣以負譴、稍令起廢、察臣實嬰衰疹、復許拔閑、隆寬之施、如此力報之圖、曷已、臣謹當屏息衡茅之下、精心香火之間、殿天子之邦、進莫陪於君子、祝聖人之壽、竊自附於封人、臣無任

淳熙元年

謝右文殿脩撰表

遊迹山林、久隔闕庭之望、寓名鉛槧、驟參館殿之班、拔罪戾於墜淵、交戰兢於維谷、臣某中謝、臣竊考 聖代集仙之職、蓋稽唐朝麗正之規、雖公華之不同、在寵光而則一、粵從紹聖、復論譎以優去國之臣、爰暨政和、易名稱以示崇儒之意、寧許爨螢之質、遙依奎壁之光、伏念臣初無他長、而好自用、厚上聖之知、殊厚、顧下愚之性、不移、向非託命於乾坤、久已投身於鈇鉞、夫



何顯職俾及孤蹤戴盆方絕於望天豐部忽容於見日此蓋伏  
遇 皇帝陛下福威惟辟廢置馭臣爾自速辜夙示涵容之度  
予其大賚更加藩飾之恩披肝不足以形感激之辭碎首不足  
以報生成之德重念臣周旋三館首尾六年逮茲新渥之鼎來  
恍若舊游之夢到望屬車之臨幸敢期奔走於英躔頌當宁之  
好文尚可矜誇於野老臣無任

淳熙二年

辭免召命申省狀

某伏準省劄備奉 聖旨召赴 行在恩許賜環禮難俟駕况

遵近制辭避無從但以心氣怔營動成昏忘筋骸疲憊良阻步  
趨審已再三理難自默重念某早塵華選誤簡眷知去朝雖曰  
三年被寵殆無虛歲剖符鉅鎮既以病辭貼職書林乃茲冒受  
寬譴訶而已幸叨收召以何安伏望 朝廷特与敷奏且令依  
舊宮觀差遣庶安愚分免連罪戾章今來不敢稽留上命已一  
面扶病起發外謹具申尚書省伏候指揮二月十六日三省同  
奉 聖旨不允依已降指揮疾速赴 行在

到闕上殿乞郡或奉祠劄子 二月

臣聞子年心存魏闕望之意在本朝人臣愛君古今一也臣以



歷官考卷一  
周益文忠公集卷一  
非才自陛下即位之初入侍殿陛褒揚遷擢度越流輩犬馬之心豈欲遠去左右其如迂愚窮薄自無補報之跡重以心氣腰膂之疾日增月益於聖世永為棄物忽蒙收召感盡涕零勉策衰疲來趨行闕既瞻天日之表伸臣子之敬其於分願已為甚足伏望聖慈矜其無用憐其數竒且今依舊奉祠養病田里或於江湖間試以支郡使之布宣聖德牧養細民尚能少報天地父母之施區區懇誠實在於此干犯天威臣無任戰汗之至取進止

除待制辭免奏狀

右臣準尚書省劄子三月二十二日三省同奉

聖旨除臣敦

文閣待制侍講者寵榮載集戰懼交懷臣竊以候對詒謨侍言崇政非簡求於髦士則優禮於耆儒豈伊壺晒之姿應此久虛之典伏念臣受才鄙樸殖學荒踈頃浸歷於清華殊未知於補報茲趨嚴召入覲威顏恭聽溫言曲憐舊物諭選擇之有在謂精神之未衰而臣心志益凋文華弗競蓋嘗頓首香案之側復願養痾篋門之中敢期酌用於故常特許追參於近侍自知非據人謂斯何仰冀睿明俯昭愚悃始仍舊職改奉內祠如此則戀闕孤忠既容陳力而就列掄材盛旦不至為人而擇官所有



歷代名臣奏議卷一  
前件恩命、臣未敢祇受、謹錄奏聞、伏候 勅旨、三月二十四日  
三省同奉 聖旨不允

謝待制侍講表

臣某言、伏奉 告命、除臣敷文閣待制侍講者、竇儲邃密、有嚴  
通籍之班、聖學高明、允遴談經之選、併茲虛授、良震以驚、臣某  
中謝、伏念、臣積冒私恩、大辜任使、既不能撥繁治劇、服勞郡國、  
之間、又不能宿道嚮方、宣力朝廷之上、惟粗親於翰墨、或小效  
於涓埃、乃自中年適嬰衰疾、詞源困涸、言每出則謬、悠心氣冥  
煩動、不知其差、誤顧在有為之世、獨成無用之材、私竊自憐、分  
甘水廢、豈謂伏蒙 皇帝陛下、如天之度、徧覆無殊、並日之明、  
容光必照、方旁求於多士、不遂棄於一夫、特許過歸、復令親近、  
綴班聯於內閣、奉清燕於迓英、而臣竊窺太史之書、嘗考 仁  
皇之世、允釐近列、登進名卿、趙師民素、號博聞始兼、是職、呂公  
著力辭召、試爰有此、遷豈期晚出之孤蹤、亦用前脩之故事、乃  
文廣運固、難措游夏之辭、非道敢陳、所願論唐虞之際、誓殫拙  
訥力報生成、臣無任

舉楊万里自代狀

右臣伏覩承議郎新差權發遣常州軍州主管學事兼管內勸



農事楊万里居家孝謹從仕廉方當於藝文可備西清之訪遂  
於經術無慚重席之榮臣實不如舉以自代

外劄子

臣以駑才蒙陛下異恩躡升次對專侍經幄坐縻廩稍略無  
補報今既住講愈為素餐神惡僥踰累旬苦脾胃之疾緣此心  
氣愈更虛乏若復不自引退必致別有災化伏望聖慈許臣  
以本官出守小郡或奉外祠圖報生成尚期縻隕取進止六  
月十三日三省同奉聖旨不允

辭免兼直學士院奏狀

右臣準尚書省劄子三省同奉

聖旨差臣兼直學士院者錫

命頻仍省躬震惕伏念臣早緣薄枝誤簡淵衷粵自初元首叨  
入侍日來月往莫殫千一之愚天施地生乃辱再三之召尚復  
眷憐而不已每於任使以有加顧僂嶺之提鰲自有大手矧明  
庭之儀鳳方集奇才寧容圭竇之人重寓金臺之直是敢知難  
而自列仰祈遷令以旁招所願專心誦聖謨於經幄毋令越職  
妨賢跖於禁林所有恩命臣未敢祇受謹錄奏聞伏候勅旨  
九月三日三省同奉聖旨不允

辭免兵部侍郎奏狀



歷代文忠公集卷一  
右臣準尚書省劄子節文三省同奉 聖旨除臣兵部侍郎日  
下供職者褒遷過分震懼靡寧臣竊以本朝置侍從官特異前  
代蓋欲其精白一心論思獻納增重王國非專使治有司之事  
而已自元豐改官制雖稍循周唐舊典分治六曹然班列浸高  
職業猶簡委用之意夫豈徒然若時夏官尤號清選臣以凡庸  
之質荷特達之知五年之間兩兼攝貳畧無補報有玷周行至  
於寓直禁林執經崇政最為華近今悉冒居 陛下虚心以求  
議論而臣喑無一言 陛下勵精以集事功而臣懦不奉職尚  
寬汰斥已是保全復用何名更叨真拜而况早來奏對之際備  
聞天獎雖未披於心腹已灼見於其肺肝伏望 聖明矜其自  
量非敢飾避特反惟行之令誓堅圖報之心所有恩命臣未敢  
抵受謹錄奏聞伏候 勅旨九月六日奉御筆批降詔不允

不允詔 王淮撰

勅某省所奏辭免除兵部侍郎恩命事具悉文昌六職寔聯兩  
禁之華夏官貳卿兼總五兵之政屬時右武宜得周才肆圖厥  
庸式叙乃位卿問學優於游夏詞章過於卿雲自隆興之初元  
以柱史而入侍屢罄論思之益尤推潤色之工擢寘經帷再升  
詞禁爰從容而造膝嘗密勿以沃心嘉爾靖共副 子虛佇乃即



司戎之任就頒綸綍之榮莫必固辭亟祇乃服所辭宜不允故  
茲詔示想宜知悉

辭免兼侍講奏狀

右臣準尚書省劄子節文三省同奉 聖旨差臣兼侍講者緣  
綸參集淵谷是虞伏念臣頃自召還親蒙簡擢酌本朝待儒先  
之禮以次對專講勸之官今既進貳夏卿仍聯翰苑若尚續漢  
殿六經之業殆將兼唐人三侍之榮所憂仰累於殊私不独自  
慙於非據願廓燭幽之鑒別求詔媿之賢恭冒聰聞伏需報可  
所有恩命臣未敢祇受謹錄奏聞伏候 勅旨閏九月十日奉  
御筆批降詔不允

不允詔

勅某省所奏辭免侍講恩命事具悉朕古訓所師惟道德是企  
多聞雖益以直諫為先卿彊學力行受君憂國日在西清之邃  
孰陳前席之謨今茲侍經是為申命亟宜祇若壺入室之微言  
何用抗辭事循牆之曲謹所辭宜不允故茲詔示想宜知悉

謝兵部侍郎兼直學士院表

臣某言伏奉 告命除臣兵部侍郎依舊兼直學士院仍賜對  
衣金帶者通班內閣已塵次對之華列屬中臺復冒亞卿之寵



申命奎坡之直增光禁踏之游稽首拜嘉省躬知愧臣某中謝  
臣竊以司戎任重視草才難自非文武之兼資曷副國家之遴  
簡歷考正元而後惟陸贄衛次公之並克載稽南渡以來有汪  
藻綦室禮之故事如臣末學難企前脩徒夙幸於遭逢獲徧優  
於清要愚忝倜侗之性每辱照知荒唐翫敝之詞數蒙嘉獎首  
尾終經於五載攝承兩贊於七兵未嘗萌久假之心矧敢覲為  
真之命橫黃金之帶驟拜新榮上白玉之堂更仍舊貫大恩所  
被小已奚堪此蓋伏遇 皇帝陛下剛健時行緝熙日就運堯  
帝之德而奄有四海方懋乃聖乃神之功立周王之政而灼見  
俟心不輕常伯常任之選孰云儒緩叨此詔除况資翰墨之所  
長尤匪疲駑之可稱臣敢不竭其忠盡濟以靖共體元豐肇正  
於官名願效論思之實念開寶初增於禁直勉圖潤色之工萬  
分可酬九殞何憚臣無任


舉劉清之自代狀

右臣伏覩宣教郎新知撫州宜黃縣正管李事勸農營田公事

正

劉清之乃本朝名臣劉敞劉攽之從曾孫篤學好脩臨事不苟  
向者劉珙在樞府欲與相見即加論薦清之嫌於自衛竟不肯  
往軋道九月秋用舉主考第改官嘗有旨同張駒召赴都堂審





编码错误

卷端应：周益文忠公集一百二十三



察清之独赴部注知縣而去廉退如此近世所稀奉以代臣實  
允公議

歷官表奏卷第一

歷官表奏卷第二

周益文忠公集一百二十二

淳熙二年

謝侍講表

臣某言伏奉 誥命除臣兼侍講者一趨經席已稱常布之榮

參被綸言豈厭搢紳之望凌兢祗命俯仰懷慙臣某中謝臣竊

以天縱之能陋儒絕企日濟之聖典學何加然且躬有虞好問

之勤守大禹不矜之戒正使昔人之博洽尚難稱於在前矧如

淺識之支離預何堪於拜下而臣逢時千一冒寵再三曩聯南

省之班嘗執經於累月比候西清之對復隸職者半年逮此叨



踰愈為榮幸茲蓋伏遇 皇帝陛下聖而益聖新以又新舒兩  
曜於天衢猶許燭螢之曳納百川於溟海不辭潢潦之歸是使  
顯蒙荐陪誦說臣敢不欽承異禮勉竭孤忠無力可陳雖未觀  
於实效有猷則告庶少塞於空餐臣無任

辭免兼詹事奏狀

右臣準尚書省劄子十月十八日三省同奉 聖旨差臣兼太

子詹事者錫命自天措身無所臣竊惟儲端華重今昔所同漢  
韋賢質樸薦學始膺委任唐李勣至以舊長史屈階資而為之  
近歲以來非老成端諒卓然為世所推則必於近臣中擇嘗任

王府講讀及宮僚者就兼是職苟或異此寧虛厥官如臣不肖  
行能淺薄既無素望又非舊人驟預選掄實駭羣聽此臣所以  
彷徨震怖不敢自恕而但已也伏望 陛下重青宮之屬屬軫黃  
屋之思勿以反汗為難而以掄材為急朝多英俊亦有舊僚犯  
宸嚴臣無任屏息待罪之至謹錄奏聞伏候 勅旨

其言不允詔

權中書舍人程大昌被旨撰

勅昔省所奏辭免兼太子詹事恩命事具悉朕東宮僚非正人  
不與卿踐端天迺眾論所宜鑑現推遜之言具認卑牧之意李  
勳之屈資受委日求舊則有之綺里之偉冠從遊亦博致為貴



矣其務究思於輔翼是云有益於元良豈必辭榮始名美德所  
辭宜不允故茲詔示想宜知悉

東宮賀冬牋

某言伏以漢朔無差上應太初之神策堯年有永載隆 德壽  
之鴻名允哉二極之賢同此兩宮之慶某誠歡叩頭叩頭恭惟  
皇太子殿下位尊儲副德茂元良雷復地中契義文之游震日  
行巽軌符漢樂之重光剛以朋來福絲類至某南趨鶴禁欣贊  
羽冬南極景長顏從容於五學少陽道長知消伏於羣陰謹奉  
牋稱賀以聞某懼誠 伏叩頭叩頭謹牋

淳熙三年

東宮賀正牋

氣動青燁肇布發生之德地居蒼震密參化育之功履茲端月  
之和篤我儲儀之慶中賀恭惟 皇太子殿下象符明兩朝謹  
日三龍角連杓陪龍樓之元會鷄鳴列戟擁雞旦之殊祥令名  
烜赫於金昭淋氣充盈於銀榜某謬依春誦改歲華卉木維  
萋喜詠遲 之日根芟咸遂願歌堪 之祺

祭社祝文待罪劄子

臣近撰祭告太社祝文誤引春秋用代牲鼓故事委是不職見



候守局退即便歸家待罪伏望 聖慈特賜嚴黜臣無任戰慄  
俟命之至三月二日三省同奉 聖旨今日下依舊供職

謝宣諭劄子

三月二日

臣學識淺陋文辭鄙拙上章自劾祇候嚴誅伏蒙 陛下天覆  
日明兼容委照特降睿旨令臣日下依舊供職仍於執政處  
恭聆 聖訓仰惟君父之恩如此其厚豈臣么麼所能報塞誓  
圖糜隕少効萬分臣無任感激惶懼之至謹具劄子奏謝伏乞  
睿照

辭免轉官奏狀

右臣準吏部牒備坐三月十五日 勅節文以臣昨任祕書少監  
經脩 太上皇帝日曆見在行在供職合特轉行一官者臣竊  
以如虞二典述三紀之成功為宋一經對兩宮之曼壽已經執  
簡特許進階而臣頃以謏才繆參少令譔次雖叨於滿歲荒疎  
何補於編年逮趣上於奏篇適再塵於禁路窺一斑而在列已  
幸榮觀傳副墨以策勳敢當醜賞是殫誠悃仰瀆睿聰如其考  
績而涉明固難飾避若無乃功而受祿實不皇寧願更寢於誤  
恩庶少安於愚不謹錄奏聞伏候 勅旨三月二十五日奉  
御寶批降詔不允



不允詔

勅其省所奏辭免經脩 太上皇帝日曆特轉行一官恩命事  
具悉作堯帝之典具載放勳之功董班史之書迄定漢家之制  
肆成書之上徹寧褒渥之敢稽卿文力得於天成藻思沛乎泉  
涌自頃黜纓於少令固嘗執簡於編年兼才學識之三長備存  
紺素參月日時之四繫甫畢汗青逮茲懋賞之行歷考當時之  
彥願今在列之有幾豈無近臣之可遺宜亟體於朕懷徃祇服  
於新命所辭宜不允故茲詔示想宜知悉

韓世忠神道碑

右臣準尚書省劄子備奉

聖旨差臣書韓世忠神道碑文者

臣仰惟 陛下親御翰墨大書世忠碑額非特寵綏韓氏亦將  
丕勸勲效譬之龍蟠鳳翥昭回于天豈容春蚓秋蛇附見其下  
伏望 聖慈特賜追寢別擇能書者而命之臣不韋喙願謹錄  
奏聞伏候 勅旨四月三日三省同奉 聖旨不允

繳書神道碑

臣先奉 聖旨差臣書韓世忠神道碑文今已寫成一軸謹以  
進呈惟是字畫非工無以仰副 陛下追褒勲舊之意實深震  
懼伏取 進旨 八月二十三日奉 聖旨降付本家



臣等謹將韓忠武王世忠神道碑送到金器二百兩充潤筆雖云  
 躬承書訓繼奉御筆許齋賜然臣義有未安須至奏免臣竊  
 考自古人君追褒勲賢多命儒臣紀載事實必有濡潤用酬撰  
 述之勞至於書冊本是待詔職事近年乃出土大夫之手  
 仁宗時偶因御製元舅隴西郡王碑文詔蔡襄書之襄以  
 御製不敢辭避其後詞臣別有所撰又命襄書襄即懇免臣書  
 札素非所長昨被命為韓氏寫碑正緣陛下追念勲臣大書

辭免潤筆劄子

臣今月二十九日得戶部侍郎韓彥古劄子以臣先奉聖旨  
 書其父韓忠武王世忠神道碑送到金器二百兩充潤筆雖云  
 躬承書訓繼奉御筆許齋賜然臣義有未安須至奏免臣竊  
 考自古人君追褒勲賢多命儒臣紀載事實必有濡潤用酬撰  
 述之勞至於書冊本是待詔職事近年乃出土大夫之手  
 仁宗時偶因御製元舅隴西郡王碑文詔蔡襄書之襄以  
 御製不敢辭避其後詞臣別有所撰又命襄書襄即懇免臣書  
 札素非所長昨被命為韓氏寫碑正緣陛下追念勲臣大書



碑額臣輒訟蔡襄故事不敢回辭今若違前世所無之規循近年冒受之例則不惟捨是從非取謂公論亦恐傷廉苟得上負聖知伏望 睿慈察臣悃悞怒臣冒賈特降旨揮許臣免受取進止奉 御筆批依例收受不須懇辭

謝劄

臣昨具奏辭免韓彥古賚書賜碑潤筆金器二百兩恭準 御筆令臣依例收受不須懇辭臣伏讀以還實深感懼因思自初差委及今送遺皆出 陛下之意臣豈不知若復控辭祇成煩瀆即已遵稟 聖訓祇受訖予惟取幸誠戴於 上恩取傷廉

終慙於物議尚推陰施期報洪私臣無任激切惶恐之至謹具

劄子奏謝伏乞

睿照

辭免陞兼侍讀奏狀

右臣準尚書省劄子節文九月二省同奉

聖旨周其陞兼侍

讀者誤膺褒渥伏積兢惶臣竊以八侍適英均為清近然而進讀之選重於執經多處大僚間優宿望如臣者猥繇孤賤蚤被簡知首尾六年三陪講席無一辭發揮經訓無一事裨贊聰明內愧心顏外貽譏誚豈可偶因官闕更冒次升人以為榮臣以為懼伏望 皇明日照聖度天容察臣非才恕臣量已別選在



列庸求多聞毋令陋儒益壅賢路所有恩命臣未敢祇受謹錄  
奏聞伏候 勅旨九月六日三省同奉 聖旨不允令學士院  
降詔 宣德六年三月詔 敕旨九月六日三省同奉 聖旨不允令學士院

不允詔 勅旨九月六日三省同奉 聖旨不允令學士院

勅某省所奏辭免陞兼侍讀恩命事具悉朕惟祖功宗德炳若  
日星聖烈神謨垂之琬琰每衷仰止常切慨然思得崇閱博碩  
之儒庶資論說指陳之要卿識周治本學探道原經幄誦言  
稔直諫多聞之益禁林視草揆溫厚爾雅之文爰陞進於露門  
益發揮於寶訓昔司馬侍適與之讀具陳變法之規蘇軾兼金  
華之榮亦著六事之美其毋多遜式企前修所辭宜不允故茲  
詔示想宜知悉

謝侍讀表

臣某言伏奉 告命陞兼侍讀者執經充數未絕業於金華進  
讀升班首侍言於帝暮拜恩加厚省已何安臣某 中謝臣聞選  
儒士以質疑本唐室開元之際閱史編而顧問在皇朝興國之  
年肇立官稱助成治道矧明主夙勤於聖學舉羣臣難跋於末  
光凡陪清燕之遊尤號高華之選縱未得故老宿儒之重入告  
於辰猷尚當求洽聞博物之英少資於晝接豈臣孤陋堪此褒



遷茲蓋伏遇 皇帝陛下文武生知聰明日就二帝三王之行事久矣優為六經諸子之格言居然深造更思愚者之慮因伏小人之箴故雖非重席之才亦許冠細旃之列庶因駿骨或致龍媒臣敢不圖報洪私益堅素守典墳能讀深慙倚相之良仁義以陳勉效孟軻之敬臣無任

辭免吏部侍郎奏狀

右臣準尚書省劄子節文十二月二十四日三省同奉 聖旨周某可除吏部侍郎日下供職者寵命過優震惶失措臣竊惟六官置貳職任俱隆有唐三百年暨本朝元豐以後或隨材互轉或因事遞遷固有周歷列曹亦有自戶禮而轉兵刑者旋觀歷試倚重則均引是東銓古稱小宰選掄既遴位序益高豈伊妄庸堪此隆委伏念臣蒙 陛下識拔最蚤叨 陛下爵祿最厚而才力議論比之在廷諸臣最為無取再歷武部僅及一年有半考之故事未為久次加之身兼三組備極清華內揆非才不皇寧處豈謂驟膺簡擢進預銓衡抑揚之間聖主所當致審辭受之際微臣敢不自量伏望 陛下深亮懇誠無嫌改命別求精鑒俾佐治官免貽非據之譏仰累知人之哲所有恩命臣未敢祇受謹錄奏聞伏候 勅旨



不允詔

勅某省所奏辭免除吏部侍郎恩命事具悉朕惟六卿貳列其選固皆不輕然武部典掌五兵而職或優暇小宰銓叙羣才而事多叢委與其蓄餘蘊而處優暇之地孰若升劇寄而資鑒裁之公哉卿姿之所稟者既高學之所養者益富代言禁苑進讀露門翊東儲而列西銓四職並舉而沛乎其有餘裕肆是佾卿參吾典選之政令庶藉其通明以清流品推其精敏以扼姦欺用稱吾綜核之意其何以辭為也所辭宜不允故茲詔示想宜知悉

謝吏部侍郎表

臣某言伏奉 告命授臣試尚書吏部侍郎仍賜對衣金帶者嚴近叨居夙負瘼官之責武文迭試更膺換部之榮襲衣頒在筭之珍寶帶錫章身之寵仰慙主眷俯愧輿言臣某 中謝臣聞古之銓綜存乎人今之銓綜一於法存乎人固可以得士然其弊也常由予奪之不公一於法固可以減私然其弊也或致賢愚之同滯而况簿書紛若胥史雜然苟稽察之弗精將混淆而莫辨欲酌古今之中制當令人法之並行庶稍戢於吏姦亦少伸於士氣豈容虛授以累明揚伏念臣性鄙習迂志卑才下蚤



親翰墨。為書生陳腐之談。久待軒。之禁。從論思之語。引去則殊私之未報。欲留則高位之難安。方進退靡寧。忽還除之下逮。肺腑抱履冰之懼。面顏形撻市之羞。被此光靈。若為稱塞。茲蓋伏遇。皇帝陛下。乾行不息。日照無私。知人非堯帝之難。巧壬奚患。選眾有臯陶之舉。枉直自分。夫何一介之臣。乃冠貳卿之列。臣敢不遵承法令。振拔滯淹。雖微冰鑑之明。上裨睿哲。姑守權衡之信。仰助公平。苟不辱知。斯為報國。臣無任

舉自代奏狀

右臣伏見朝散郎守尚書兵部郎中賜緋魚袋蘇諤。修身有家

法臨事無私心。即省二年。請共厥位。臣在夏官。久與同僚。備知

其人。臣實不如。舉以自代。

請外劄子

四月二十六日請對既至漏舍疾作不曾上

臣自蒙。聖恩。召還。禁路。遷擢再三。未有絲髮可報生成之造。

豈應輕為去就。辜負聖知。緣臣有迫切之懇。須至披露於君父

之前。伏念臣少孤。多難。依諸父以自存。臣之叔有二子。自來同

居前。年臣到闕之時。季忽夭折。尚餘其長。未至。狼狽不謂三月

間。又復即世。兩房娶婦幼子。全闕撫養。臣欲挈取以來。則二千

里之遠。勢不能辨。若置而不問。則於心。豈能自安。晝夜忖度。莫



知所措惟有乞奉外祠可以少致私義伏望 聖慈憐臣受祿  
過多事出意表察臣受恩方厚情非獲已特降 睿旨俯從所  
請煩之報尚冀它時干犯 宸嚴伏俟誅戮取 進止

吏部侍左進 天申節功德疏右語

三紀施仁固獲延年之報萬方懷德矧多祝 聖之人茲當華

渚之昌期載演鷲峯之密義 尊號皇帝伏願雍容太極履壽

含生福等河沙誠非算數之及壽同無量永作天人之師

其人具 東宮賀冬牋

周統得天布時王之正朔漢郊迎日對元祀之祺祥允符陽德

之亨虔致震宮之慶中賀共惟 皇太子殿下道隆三善瑞應

重光泰時親祠既已儲休於上聖貳觴嘉獻自宜介祉於元良

與國無窮如天有永其會逢歲亞託備下僚輔翼無功虛度舒

長之圭景往來有象顏觀動靜於天心

淳熙四年 東宮賀正牋

星回于天載測璿璣之度玉省惟歲重頒寶曆之春萬宇咸熙

三宮交慶中賀恭惟 皇太子殿下內全仁孝外備溫文日就

月將德與年而俱永天長地久福暨祿以偕昌邁監撫之前聞

淳熙四年 東宮賀正牋



契壽臧之善頌其欣逢令序延跋英規丹鳳度趨方參聯於百  
執銅龍祗謁尚續罄於多懽

辭轉官奏狀

右臣準尚書吏部牒備奉三月二十四日 勅以臣修徵

宗皇帝實錄見在 行在供職特轉行一官者無功假寵有覲

在顏伏念臣頃以庸虛叨塵史職空更歲月莫施鈇懸之勞茲

者偶直奏篇例當進秩揆之公論咸謂過優在於私心實難冒

受况樞臣懇避 宸旨賜俞雖則名位不同不當援以為請

然昔人謂范宣子遜其下皆遜乘釐雖汰弗敢違也今臣縱之

晉卿之義豈不思自附於厲乎伏望 聖明矜其忱悃非備禮

而辭者特詔攸司追寢前命庶幾賞行不僭抑使愚分獲安冒

犯天威臣無任惶懼戰汗之至謹錄奏聞伏候 勅旨奉 御

筆批降詔不允

不允詔

勅昔省所奏辭免經脩 徽宗皇帝實錄特轉行一官恩命事

具悉維昔 徽皇撫時熙運維六七作之聖業鉅事叢成二百

篇之書文直義核茲覽編年之善具嘉秉筆之工凡預纂脩靡

遺錄錄卿才追遷董藻拱卿雲紬金匱石室之藏居多論載迄



汗簡裁青之業，綽有勞能。逮此奏篇，於焉第賞。而乃慕范宣子之義，巽以成風。師正考甫之賢，恭而有禮。雖高謙益難過，渙孚所辭，宜不允。故茲詔示，想宜知悉。

辭免翰林學士奏狀

右臣準尚書省劄子五月二十八日三省同奉 聖旨除臣翰

林學士日下供職者超遷過震懼靡寧臣竊以列職禁林本朝所重 陛下聖學天縱宸文日新故於此官尤不輕畀竊計十六年間除授纔五六人可以知其選矣如臣見聞單淺翰墨荒唐誤簡異知徧塵華貫一自攝承視草首尾僅及六年適有天

幸再逢加上 德壽尊號兩經郊祀大禮制誥典冊往涉筆其間是皆當世儒先歧望而不可得者臣獨有此榮遇日夜惴恐自知無以稱塞比因入對反誤褒嘉且復再三諭以因文字進擢之意臣方跼蹐退避翼日已奉除書雖 陛下崇獎詞臣

務陰恩渥在臣分量盈溢實非所安而况寓直于中足以效薄技賦祿之厚固已視真除何必捐久虛之官重至愚之累此臣所以不避煩瀆而為是諄也伏望 聖慈俯照誠悃特寢成命姑即銓衡之舊仍宣潤色之勞圖報大恩有隕無貳所有恩命臣未敢祇受謹錄奏聞伏候 勅旨奉 御筆批降詔不允



不允詔

權直院程叔達撰

勅昔者所奏辭免除翰林學士恩命事具悉朕惟禁林夙號真清學士尤為妙選蓋命令之發將以鼓天下之動而播告之脩於以見王者之心非高其才者曷擅斯長非裕於學者曷朕茲任卿斧藻其德圭璋乎文翰墨舊游嘗屢於潤色典冊大筆仍多自於財成灑墨銘治乎誥盤溫厚輶轡乎漢魏倚金華而上白玉勤寓直之勞邈太清而凌紫霄爰即為真之拜除音一下愈論允諧宜亟體於眷懷胡尚形於異遊所辭宜不允故茲詔示想宜知悉

宣召節次

至日絕早待詔客位坐伺俟內翰近出廳待詔先至回南香案側立請內翰出笏至香案前面南立引接唱躬兩拜起拜訖且躬身有勅聽待詔讀口宣畢再兩拜起直身搢笏引接供過謝宣召奏與內翰內翰即過與待詔待詔却過與奏表官通進司校下引接虛唱依例待詔馬下錢壹拾貫近例不曾唱引接唱內翰馬到請內翰乘馬後待詔乘馬宣押入皇城門至院中到臺下馬引接雙引明廊唱內翰乘至堂內升坐引接兩邊立第一喝王從文已下躬身應喏聽唱各祇候再應喏退第二喝



劉大聲已下躬身應喏聽喝各祇候再應喏退第三喝待詔躬身應喏退畢內翰起親事官接公裳歸閣子

口宣

有勅卿文詞贍蔚學術純深擢位禁林斷繇朕志宜因剛日亟服殊休今差忠翊即待詔錢滋宣召卿入院充學士想宜知悉

謝宣召入院表

右臣今月十三日忠翊即學士院待詔錢滋至臣所居奉宣

宸旨召臣入院充學士者君命及門趣正塵坡之直玉人馳騎

驟增蓬戶之光在稽古以何功繫逢辰而有幸瞻威咫尺流汗

再三伏以地重禁林職專內制唐朝全盛初置院以名官聖代

承平尤隆儒而假寵詔報施於政省勅設具於太官霜日冬嚴

候五觀而入直暑風夏永盡三伏以蚤歸凡茲異數之加絕匪

羣司之比竭輿從南渡重靡故北靡仍每厚於恩章示無忘於典則

賜玉堂之篆已追淳化之風揭擣文之名更用政和之制佩服

煥兼金之飾宮庭還雙導之儀地既近而職親奉良優而事簡

惟重其官則擇人也審惟尊其禮則責報也深凡政事之否臧

若兵民之利害大而除授於將相次則討論於古今皆因燕閒

得以獻替諒非鴻博難預選掄如臣者骨相多屯才華弗競所



宜遯迹躬耒耜於田間何意代言鼓雷風於天上誤結九重之  
眷冒膺三入之榮居慙起草之非工寧復為真之敢望茲蓋伏  
遇皇帝陛下聖謨獨運睿智日躋煥乎文章紹則天之堯帝  
倬彼雲漢邁作人之周王既集大成尚收小技臣謹當推原德  
意播在訓詞雖愧百篇垂坦然之帝制或●令萬姓識一紉之  
王心臣無任感恩荷聖激切屏營之至謹錄奏聞謝以聞謹奏  
謝表

臣某言伏奉 告命授臣翰林學士知制誥已於今月十四日  
朝謝訖者佐銓南省已辱超遷裁詔北門更膺宣召絲綸寵甚  
簪鞞榮之伏念臣名習藝文實踈學業竊方流筆最軫眷憐兩  
制清華並叨於再直六曹要劇五攝於貳卿積有恩私畧無補  
報窺陳篇而盜竊懼干聖主之誅奏薄技以精思愧忝從官之  
內敢期宸渥真踐禁扉此蓋伏遇 皇帝陛下欽明文思剛健  
中正學古多聞乃有獲發號施令罔不臧向取顯蒙亦令親近  
臣敢不勉殫愚鈍仰答 聖明視淮南之書豈但祿誇於下國  
聽山東之詔固當裨助於中興臣無任

舉自代奏

右臣伏見承議郎權江南西路轉運判官趙汝愚奉親孝謹勵



志忠靖方 陛下作成宗支汝愚首以文學起冠多士予符持  
節又皆底績若冥詞禁足為國華臣實不如舉以自代謹錄奏  
聞伏候 勅旨

謝衣帶鞍馬表

帶

臣某言伏蒙 聖恩以臣朝賜謝臣衣一對金帶一條并魚袋  
金鍍銀鞍轡馬一匹者筭衣有煥束以九環坳壯甚良分之六  
轡被躬雖寵稱德多慙伏念臣之黃絹之辭起白駒之谷褐衣  
褐見莫陳漢成之便宜馬去馬歸敢計塞翁之倚伏竊尋唐事  
獨貴詞臣候對於受宣之時拜恩於就宴之日服頰內庫駟假  
飛龍蓋嘗夢想於儒榮豈謂親承於聖澤此蓋伏遇皇帝陛下  
解衣待士馭朽臨民垂虞舜之裳坐安天下市燕昭之駿期致  
賢人故假服章以華駕純舉一箱於家廟莫追親膝之歡盛七  
事於禁林徒荷君恩之寵臣無任

右制誥表章一卷錄寄顧顥二從孫為他日齊飛入禁林之  
勸尚其勉旃期無愧於古人勿効井翁不學少文徒能依本  
畫胡蘆耳淳熙四年六月十五日 先公除翰苑 制誥表  
章題曰峯坡錄今誥詞也載年譜表章等又入此卷故附見  
跋語于後云綸謹書



即奉歷日查與疑今請隨...  
 開書胎蓋耳...  
 博尚其...  
 日...  
 建...  
 習...  
 類...  
 歷官表奏卷第二

歷官表奏第三

周益文忠公集一百二十四

無林 淳熙四年

辭免兼修國史奏狀

右臣準尚書省劄子節文七月二十七日三省同奉 聖旨差

兼脩國史者揆才非稱聞命若驚竊惟建官以六太為先實尊

載筆作樂以一夔而足所貴專門若時聖代之信書方藉春卿

之精識時李燾以札明是非於五紀昭功德於四朝自非荀袁

鴻鴈之行寧備遷回馬牛之走如臣者含毫無取濫吹有年紹

興是正書林嘗參於編次乾道躋攀禁路復貳於纂脩逮茲三



入之榮厚甚九重之眷然而叨塵數職懼力難任度越宿儒隱  
心尤愧伏望陛下擴大明而委照祿小技之知難成書專屬  
於名家虛次姑仍於舊貫免令尸素反滯汗青千仞宸嚴臣無  
任震懼俟罪之至謹錄奏聞伏候勅旨

不允詔

勅某省所奏辭免兼脩國史恩命事具悉甚矣夫史筆之難也  
以馬遷之良才而是非頗異於聖人以韓愈之碩學而竄定迄  
無於全篇自非一代儒英兼備三長者未易稱其選也豈無若  
人足以矯斯弊而擅斯美哉卿博極羣書尚友千古其於文學  
才識固已淵停涵畜於胸中而施之論思潤色之間亦已沛然  
其有餘肆是舍之兼典史事庶幾交輝並映筆削財成作宋一  
經高視漢唐而無愧推遜之章過形謙避雖嘉冲尚殆難徇夫  
雅懷也所辭宜不允故茲詔示想宜知悉

舉李塾賢良不應格待罪劄子

臣昨任敷文閣待制日曾同王淮薦舉眉州布衣李塾堪應制  
舉後來王淮為執政其李塾詞業係臣繳進緣此蒙恩召試今  
聞李塾所試六論率不應格無以副陛下攷求士之意罪  
無所逃欲望聖慈特賜紕責以懲謬舉取進止九月三日奉



御筆放罪

東宮賀冬牋

氣運環周雖分二至古今交慶獨在一陽偉儲德之又新紛休

祥之恭集中賀恭惟皇太子殿下挺姿岐嶷率性溫文學常愛

於日舒道每符於剛長漢殿八能之會祇率羣公魏基三世之

言永扶昌祚天人相福祿無疆某叨侍承華載逢令旦其為

欣頌倍萬常均

淳熙五年

東宮賀正牋

玉燭時和方肇臨於首序銅樓氣淑宜交集於殊禧喜浹宮庭

慶均家國中賀恭惟皇太子殿下聰明異稟仁孝夙成在宮曰

春助發生於天地於卦為震飲簡易於乾坤竊嘗推類以求端

益信對時而受福其久陪漢苑載值夏正因頌詠以輸勤越等

倫而竊林

乞郡劄子昔集不詳已報臣一介庸妄初乏寸長

臣輒控愚誠仰干天聽德士已陛下陶成獎

擢有年于此寅緣忝冒遂塵翰苑清資駢組盡儒士之榮遇而

臣文辭鄙樸既無以潤色皇猷議論厄怯又無以裨補聖治妨



賢竊位辜負眷知慙悖熏心怔忡健忘凡遇撰述殊覺窘艱又  
今侍從近臣皆曾經歷州縣獨臣超躡過分未嘗服勤于外每  
一念此尤不皇寧而况再侍軒墀首尾四載稽參故實亦當從  
更迭之制生是三者懷不能已踴躍浸久乃茲有請非敢輕為  
去就而無犬馬之恋也伏望陛下憐施鴻造洞照孤衷特指  
小郡試以民事使其心粗安則病或愈任稍輕則力可彊銜恩  
報德中外何殊冒犯威尊伏俟鈇鉞取進止正月二十五日奉  
御筆批降詔不允

不允詔

兼權中書舍人劉孝題撰

勅某省所奏劄子乞持指小郡試以民事具悉卿以粹美之資  
蚤膺文學之選晉登詞禁益學聲華以潤色則素長以議論則  
甚偉凡自託於不敏皆汝為之有餘况兼疊組之榮方盡一時  
之遇胡為剡奏力詭治民夫意在本朝如蕭望之願為中郎若  
汲長孺皆篤愛君之義不以居郡為多矧卿眷倚優隆職任親  
近其體昔人之志毋懷外補之安所宜不允故茲詔示想宜  
知悉詞草不為主何以中蘇天意恩包期對身來自夢雲  
知不備再乞外任劄子蘇軾年音卷第幾何自蘇軾對盤詰曲示  
翰林學士朝議大夫知制誥兼侍讀兼太子詹事兼脩國史臣



周某劄子奏臣近披誠懇控告君父之衆一障少效駕力伏蒙  
陛下訓獎再三諭使安職玉音濬發蹇訥自窮繼須溫詔曲示  
優禮臣草芥微生何以仰稱天造感悰既極衰涕自零豈應固  
守不移之愚身投砧質緣臣諱有未盡不免觸冒萬死再塵淵  
聽竊以職親地禁參被諮詢非堂更歷中外未易當此高選其  
居之者亦以高官厚祿徃矣不敢為久安計前代故事唯於徧  
舉姑以本朝觀之德望如李迪猶歷承興軍陝西都轉運使而  
後用文來如陳堯佐猶數典名城四為職司而後入又如歐脩陽  
在此職乞洪州者七狀蘇軾數月間乞守越者八章載在史冊  
蓋可覆視合臣於清吏事全不諳曉而冒居華序淹引歲月既  
憂顧問之際語塞獲譴又恐久妨賢路招致人言是以朝思夕  
慮而後發陛下明並日月必賜矜照且臣人不自安於朝廷  
之上者其說有二若非明主厭薄慮貽罪斥則或多結仇怨讒  
嫉是虞今陛下待臣方厚獨專內直臣亦素不預事與人無  
怨於茲有請竊謂無嫌此外實懷私心不敢輒隱臣本章句腐  
儒其初志在一第金華玉堂夢想弗及豈期遭遇併此冒居兼  
數年以來迂擢頻數常懼踰涯別致災咎冀因外補少適墮越  
言而非實是謂欺君縱陛下容而恕之神明亦將致殛矣意



迫辭煩仰祈賜可干犯旒宸臣無任戰慄俟罪之至伏取進止  
正月二十七日奉 聖旨依已降詔不允不得再有陳請

奉謝劄子

臣昨再具奏乞從外補準尚書省劄子備奉 聖旨依已降詔

不允不得再有陳請臣仰銜眷遇感深涕噴已恭稟聖訓依舊

供職俟他日請對別叙戴恩引分之意謹先具劄子奏謝伏乞

睿矧

再乞去劄子

閏六月十四日

臣輒披誠悃上瀆宸嚴臣受才至下賦分至薄而叨被眷憐至

厚常懼無以報塞自貽罪戾近於五月四日懇祈外補少違隕

越玉音眷留備極恩意臣感戴殊私深願竭力文字間圖報萬

一而臣舊苦心氣之疾近忽大作愕眩之終日困臥遇有書詔

思索移時不能下筆將何以潤色皇猷上副睿獎夙宵自省實

不皇寧重念臣間因奏對每及久任謂祖宗時為學士者常至

數歲亦有踰一紀者以此見臣亦不戀清華之直企前輩之風

但文翰之職精思為生今臣福過災生罹此疾恙既妨思慮遂

曠職業雖欲冒尸榮祿勢不可得欲望聖慈特賜矜憫畀臣一

待闕小却或在外宮祠差遣冀憑天造休養療治他日儻或有



瘳尚能歌誦聖主之功德以畢微願干犯鈇鉞臣無任跼蹐俟  
命之至取進止

外大辭不允詔

權中書舍人陳騭撰

勅某首所奏劄子乞一待闕小郡或在外宮祠差遣事具悉朕  
聞制詔每下人皆謂其溫厚純雅有典謨風非卿多識前往極  
究本原安得有文如此王堂得人朕心則喜託疾引去未諭厥  
懷且官當久任此卿前日之奏也今乃有請何自戾若是乎所  
請宜不允故茲詔示想宜知悉

第三乞外劄子

臣輒冒萬死披露腹心控告君父臣以一介疎賤初乏寸長蒙

常

陛下非常之恩致身華要每惟用過其分未嘗頃刻自安緣此

心氣舊疾乘以大作近者懇祈外補蓋非獲已伏蒙聖恩特降

詔不允臣感激殊遇加意調理冀獲痊安愈少副任使而所服

之藥多是涼劑數日以來吐利俱作晝夜無度見今用醫生却

煇吳敏脩二人診視雖霍亂稍止而心脾痛楚全不入食支離

倦乏其勢決非一朝一夕所能安愈翰苑獨負決致妨廢職事

重速罪戾欲望聖慈念臣賦性涼薄受祿滿盈馴致災屯將遂

隕越特畀外祠或待闕小郡使之保全餘生他日苟未填溝壑



尚當粉骨碎身仰答鴻造疊犯天威罪在不赦臣無任震慄俟命之至取進止七月一日午時入當時批出依已降詔不允不得再有陳請

庚

第四乞在外宮觀劄子 九月二日

臣處輸肝膽上瀆宸嚴秉誠所迫不暇文飾伏念臣才無寸長性復懦弱既不能趨事赴功期表見於斯世又無崇論宏議可裨聖慈之萬一獨蒙陛下長養成就屢加拔擢浸極清華之選天地厚恩未知所以報塞乃自今春以來心氣舊疾日增月益自度不能任職輒敢頻數請外聖恩過厚訓諭至于四五雖春

待當世名臣其禮不過如此臣是以貪戀榮寵尚爾遲回近見

一二侍從相繼遂請乃知臣前者陳諱不力未能仰動天聽妨

賢竊位為臯滋天今朝廷推行內外迭補之制如臣叨塵最久

引去不早其於進退之義已無可言兼以未更民事見嬰疾恙

不敢僥覬州郡欲望聖慈特賜矜憫換臣一在外宮觀差遣非

特使之少贖既往之愆亦昭示聖主保全微臣終始無已之意

他日自當摩頂放踵仰答洪造臣無任激切屏營之至取進止

是日御批付中書後省降詔不允不得再有陳請

詔 中書舍人王希呂撰



勅某省所奏劄子乞授一在外宮觀差遣事具悉卿秉心無競  
制行以和崇論竑議裨贊乎朝廷高天大冊發揮乎王度自極  
清華之選愈加趣向之醇胡為而欲以去國或頻數外請非  
卿求退之不力而遲回尚爾迺朕眷留之益陰當知君臣相予  
之誠復在出入迭補之外其祇予訓無費爾辭所請宜不允不  
得再有陳請故茲詔示想宜知悉

奏謝劄子

九月三日

臣迂愚疎賤蒙陛下拔之衆人之中寘之侍從之列恩重丘  
山報微毫髮積此憂懼浸成心氣之疾適值舉行更迭舊制乃

敢冒昧籲天冀食祠祿不惟少逭滿盈之責亦免招致人言仰

累識擢豈謂陛下推天地父母之仁矜憐無能保護弱植面

如訓飭使安厥位旋頒溫詔諭以勿復有請旣恩優禮皆非微

臣之所當得雖使赴湯蹈火捐軀委命未足仰報隆施况於尋

常文字之職安能自效於萬一敢不矢心自誓別圖稱塞謹此

奏謝伏乞睿照

翰林學士朝議大夫知制誥兼侍讀兼太子詹事兼脩國史臣

周其朝議大夫試尚書吏部侍郎兼侍講兼同脩國史兼權吏

周其朝議大夫試尚書吏部侍郎兼侍講兼同脩國史兼權吏



部尚書臣程大昌朝散郎新授試中書舍人兼太子左庶子兼  
侍講兼同脩國史臣陳騏朝請大夫權尚書吏部侍郎兼同脩  
國史臣芮燁劄子奏臣等準尚書省劄子以車駕幸秘書省奉  
聖旨各轉一官者冒膺鴻渥伏積震惶臣等竊惟祖宗時三館  
祕閣近在端門之內乘輿既可數至故或設醴以待羣臣政和  
五年初幸秘書外省紹興載新館閣始有增秩故事至於開港  
露之燕鳩雲漢之章光于舊聞則有所待臣等猥以駕純分職  
三館恭值陛下親屈尊帝下賁東璧屬饗聖德窺觀宸藻已  
極榮遇若復兼用今昔之異禮更進階序深恐不稼取禾或累  
總覈之政相与孰慮義當控免懼瀆天聽不敢各上奏牘伏望  
陛下愛惜爵秩專待有功裁抑僥倖始於近列敢還前詔俾臣  
等免貽請於公議不勝大幸干犯威尊伏候誅戮取進止九月  
二十三日午時進御寶批周某程大昌並降詔不允陳騏芮燁  
並不允

詔不允詔偏出外而曰天自有崇惟吾以  
勅某首所奏劄子辭免各轉一官恩命事具悉朕仰法祖宗崇  
儒爰幸書林恭閱謨訓庶幾遵行用底承平之盛卿以高文奧  
學久儀法從參秉史筆稽之故實進階一等何以辭為載披遜



續深切嘉歎所請宜不允故茲詔示想宜知悉

臣觀劄子

十一月

臣觀劄子

臣輒披誠烟上瀆睿聰臣以孤生蒙陛下簡擢致身侍從常欲畢命馳驅期副任使而臣爰自蚤歲即苦心氣不寧今年以來其疾益甚職在文字每懼曠廢抵罪累曾控告君父冀從外補伏蒙聖恩屢頒詔諭未賜俞允臣自知無以稱塞日益憂惶外雖似乎無化而病實深於內每遇撰述往往思慮移時僅能下筆蕪類不工衆所共見而况陛下聖學天縱睿藻日新臣於此久玷代言之任可謂不知量矣近因回谷國書果致語意失當仰動宸筆改定臣之不職罪豈容誅緣事干遠人恐傳聞或至失實未敢入奏待臯便合請對陳情僥倖善罷適連值假故未有班次不免徑輸危迫之情祈動天聽伏望聖慈矜臣才思殫竭自取悔尤念臣懇求閑散前後非一稍寬形誅特授一在外宮觀差遣使之歸伏田廬尋訪醫藥佗日儻遂痊平誓當再策駕甄圖報天地父母生成之德臣無任跼蹐俟命之至取進止十一月日御批降詔不允不得再有陳請

不允詔 權直 崔敦詩 撰

勅某省所奏劄子乞一在外宮觀差遣事具悉卿清規邁乎朝



倫懿文經乎國體久在禁苑具聞嘉猷固已發吾詔令溫淳安  
重踵乎訓誥之餘加以禮遇恩寵在廷莫二而乃懇言歸几  
於辭竭而意盡豈朕不敏未達好賢之誠將卿既明自全引退  
之節莫諭厥意三復慨然詔旨屢頒勉留母執所請宜不允不  
得再有陳請故茲詔示想宜知悉

奏謝劄子

臣近者擬進金匱回書辭意失當憂懼惶惑莫知所措輒敢上  
章待罪意謂獲遣死矣伏蒙皇帝陛下仁並天地恩踰父師  
特下詔函諭以不得再請恩禮陰異迹無其比驚兔遽定感涕

自零臣伏思本朝真宗眷待學士楊億一時群臣皆莫能及億  
嘗於契丹回書中用鄰壤二字不契聖意尋引唐制之行解職  
厥後竟棄其官奔歸陽翟今臣視億之才無能為役而因茲謬  
戾罪實過之陛下既不加之罰反遇之以禮在臣傲倖比億  
何多朝心隕元莫報鴻造竭誠盡節誓畢此生謹具劄子奏謝  
以聞伏乞睿照

臣不聞辭免禮書兼翰林學士節文三省同奉聖旨周其可

右臣今月四日準尚書省劄子節文三省同奉聖旨周其可  
除禮部尚書兼翰林學士日下供職者自天有命無地措躬臣



竊惟掌禮代言班高選遊國初陶穀雖嘗兼領然宗伯猶是階  
官未率屬也元祐中獨蘇軾文章學問稱此兩職然亦先後迭  
居不聞並命自紹興至于乾道沈與求孫近胡交脩楊椿汪應  
辰俱是六卿祗帶兼權學士有以見名器之重不輕畀付如此  
今臣至愚極陋無一可取積繇遭遇徧歷清華懷感恩之意而  
口不能宣堅報國之誠而力不能逮此前奏對每及祖宗時居  
內制者大率久任則臣奉之志粗亦可推弟緣宿恙侵凌未  
免僥求閑散書陛下海涵天覆已盡隆寬乃復過有褒遷超視  
二品直兼翰苑度越前規寵厚而愈加位高而益進况聖主大  
開公筵臨照百官何乃眷私小臣獨用其至此臣所以既懷滿  
盈之懼又慮仰玷聖明瀝懇籲天始不容已伏望睿慈鑒臣悃  
幅非敢禮辭恃頒詔旨函寢成命清資異數留待奇才庶安危  
秉迄荷保全之賜所有恩命臣未敢祇受伏候 勅旨御寶批  
降詔不允

不允詔 崔敦詩撰

勅某省所奏劄子辭免新除恩命事具悉朕惟五禮管乎羣情  
八座高於通列若乃中朝有大制作而無所折衷諸儒有異議  
論而未知適從維時太宗伯之官豈同常有司之事卿以道德



名之望彥首言語侍從之職百王憲度靡不該通一代典章俱  
成誦記庸副朕選誰逾汝宜茲超陟於新班復仍歸於舊直進  
趨內禁敷雷風鼓舞之辭退踐中臺秉夙夜寅清之節宜祗寵  
遇毋執謙懷所辭宜不允

謝表

臣某言伏奉 告命除臣試禮部尚書兼翰林學士仍賜對衣  
金帶魚袋鞍轡馬者宗伯綴文昌之坐已高曳履之班翰林依  
華蓋之星尚玷績綸之直當聖主謹持於公器獨愚臣常愧於  
私人臣某 中謝 臣竊考自古豪英之才旋觀當今文學之士或

抑厭草茅之下或陸沉州縣之中瞻城南尺五之天致身無路  
想玉階方寸之地通籍幾人况乎出入禁嚴周旋侍從論思獻  
納日通清光衣被服乘歲叨徽數向匪負一時之望安能符衆  
論之公如臣者學不足以知方才不足以應務家壁四立甘為  
窮陋之民君門九重敢起躋攀之念而自親逢聖作首奉詔除  
簡知特厚於諸臣獎擢徧更於華貫官益崇而效寡祿愈富而  
報微左降固宜右迁何有忽拜便蕃之命疊加優異之恩帥屬  
眷官光貳卿之舊次揭文禁炮忝四命之新榮煥寶帶以章身  
飾繡鸞而驚駭正使實兼數器尚虞稱塞之難矧伊初乏寸長



何意超踰之甚周章就列俯仰懷慙此蓋伏遇 皇帝陛下道  
協舜華志恢禹迹明在下雖洞照於羣情浩其天每包函  
於萬類寧稍指於爵秩恐或棄於菲葑遂致凡才亦塵顯仕臣  
敢不悉其思慮稱是寵褒號令文章期助漢家之制討論潤色  
勉晞鄭國之賢苟道素餐豈疇洪造臣無任

公舉自代奏狀

右臣伏覩朝奉郎新通判邵州軍州兼管內勸農營田事周  
問學登甲科才猷著仕跡嘗治兩邑備宣愛民捍寇之勞久沉  
下僚涵養益富使居禮樂文章之任必有可觀舉以代臣實允

公議

東宮賀冬牋

氣隨卦應象初起於中孚月與日同曆並書於甲子萃休符於  
聖旦鍾景况於儲明中賀恭惟皇太子殿下盛德被躬至仁成  
性問安侍膳欣垂景之踐長遠佞親賢對陽剛之來復自天有  
相與國無疆其四達小至於承華何裨羽翼三祝大來於純嘏  
益顯暉光懇之誠拳于是

宣春淳熙六年

東宮賀正牋

東宮賀正牋

東宮賀正牋

東宮賀正牋



象測璿衡載齊於七政書開寶典重紀於上元繫時令之更端  
宜春宮之集社中賀恭惟皇太子殿下生知仁孝日就聰明內  
殿捧觴不必馳漢家之道中心愛物奚須放趙國之鳩茂臨獻  
歲之期玉擁自天之祐某欣逢首祚猥綴下僚淵冲玉裕之姿  
益新厥德柏葉柈花之頌彌罄乃誠

望旦

謝御書劄子

十一月二十五日

臣適蒙聖恩召至選德殿面賜訓諭欲以御書光寵下臣尋準  
中使李裕文傳示聖旨頒賜唐白居易七德舞七德歌一軸  
龍蟠鳳翔眩凡目仰惟皇帝陛下睿文英武同符太宗選用

將相內脩政事將欲定兩京致太平故有感於居易之言形諸  
翰墨少見聖意抑臣何幸乃祇拜此賜昔本朝太宗皇帝以宋  
王太言賦賜蘇易簡哲宗皇帝以白居易紫薇花詩賜蘇軾皆  
所以寵待詞臣垂光簡冊今臣榮遇殆且過之謹當齎奉十珍藏  
傳示子孫侈遭逢之盛其於報塞惟誓糜捐謹具手劄奏謝伏  
乞睿照

采新

謝賜茶新奏狀

二月

臣

右臣今月三十日承中使李肅傳奉聖旨賜臣出格新茶二  
十夸者進紫筍之茶及清明之宴自唐而後奉上為先寧容蟻



臣首拜雲天之渥想旗鎗於閩苑生羽翼於丹丘翰林分  
成象之春事先前代常伯待頭網之賜寵過本朝恩重丘山感  
深肺腑臣無任榮懼之至謹錄奏謝以聞謹奏

辭免日曆轉官奏狀

右臣準尚書吏部牒近脩日曆至淳熙四年奏知篇秩依已降  
聖旨臣曾預脩纂係在內官合轉一官者臣聞命若驚措身無  
所竊以舜受堯禪光華二典之中武承文謨度越三王之上久  
罕聞於並世今親值於同時蓋國家甚盛之規實儒學難逢之  
會而臣猥絲薄枝久竊殊知供奉螭坳預初載史臣之高選周

旋麟省窺兩朝日曆之宏綱逮茲荐履於禁嚴適遇再陳於篇  
秩故四周於歲律而宜進於官榮夫何總覈之朝有此便蕃之  
寵自犹知其過矣人豈謂之當然伏望陛下天造無私日光  
必照念臣遭逢千一雖與衆同察臣僥倖再三則惟已獨或遂  
寢出綸之命或量裁考績之年稍令私義之安實賴公朝之賜  
所有恩命臣未敢祇受謹錄奏聞伏候勅旨

馬外祠劄子

臣輒殫誠懇冒干淵聽伏念臣奮身寒苦始望不過州縣一官  
豈圖天幸蒙被聖主非常之知出入清華十有八載凡學士大



夫夢想之所不及者臣既徧歷而久居之矣雖復真才實能竊  
恐未易當此況於臣乎是故人以為榮臣以為懼人以為寵臣  
以為慙戰于中不安寢食自外視之步趨應接似若無佗而  
心虛氣索昏忘困憊日甚一日浸覺不能支吾乃自去春以來  
數有外補之請陛下隆天厚地蓋載小臣屢頒詔諭如待勲  
舊宗卿禁苑繼被優除求去得迂宜黜而陟豈惟自知踰分公  
論蓋藉之矣然臣所以冒受而不復固辭者欲使中外知陛下  
下待遇臣子極其恩意雖臣不肖無用亦且曲留之于前進擢  
之于後庶幾智能之士感激奮勵爭效命於聖世此則臣區區

體國之素志也今陛下恩意已昭而臣在職又及半載再伸

前請今也其時至於位高祿厚福過災生數口之家無日不事  
醫藥近復有殤孫之戚私計惕迫不敢一一控陳於黻坐之前  
抑臣聞犬馬戀軒葵藿傾日臣忝為侍從豈忘斯義若非分量  
盈溢衰病侵凌懼貽顛沛仰累鴻造則輕去闕庭甘心閑散夫  
豈近於人情伏望陛下日月至明照臣肝膽乾坤宏度恕臣  
煩瀆檢會累奏除臣在外宮觀一次使之少息憂惶安養神氣  
三二年間憑藉天恩或未淪於溝壑尚當再策疲驚趨事赴功  
圖報聖德之萬一輕犯嚴宸臣無任屏息俟罪之至取進止五



月二日奉御筆批降詔不允

不允詔

勅其省所奏劄子乞檢會累奏除在外宮觀差遣事具悉卿冲規亮節聳榮中朝大冊高文追攝前古越自去歲荐祈外祠所為眷留亦已備盡向未淹於時月又遽上於封章詔下禁林群聽習聞於溫厚礼行世室諸儒質正於異國固當念之疇可去此宜安厥位毋拂予懷所請宜不允故茲詔示想宜知悉

再乞外祠劄子

臣昨日披霧腹心乞在外宮觀差遣伏蒙陛下賜訓獎未

俞所請隨頒詔諭曲示眷留待遇之恩至深至厚便當欽承威禽勉共厥職仰副聖意緣臣心有未安義當再摠危懇伏念臣才氣卑弱智識昏愚徒緣遭逢超取顯美身兼數職寵極詞臣恩施重於丘山報效微於毫髮論邦法則瘵官之罪甚大推物理則患盈之害可虞是以憂懼積於中寢食廢於外鬢髮衰白心志凋零若不力求退閑必恐坐貽隕越慮之既熟方敢控陳况侍從之臣更迭出入聖朝令典無歲無之今臣名為引去之言實貪非系之寵閱時滋久觀聽謂何故欲及罪戾未深之時疾病可療之際少圖休息苟違誅夷伏望聖慈亮臣素願之無



臣念臣真情之可閱特須睿旨許奉外祠臣迫切于中辭不逮  
意干犯疏戾無任惶懼之至取進止五月四日三省同奉 聖  
旨依已降詔不允不得再有陳請

奏謝劄子

臣近者迫於衰疾冒昧陳情冀就退閑少安孤迹伏蒙 陛下  
推天地生成之德擴父母愛怜之心未容歸臥於漳濱尚使  
華於魏闕顧慙小醜曷稱大恩臣已遵稟聖訓於初六日祇赴  
朝參訖續容請對控陳感戴兢惶之意謹先具劄子奏謝伏乞  
睿照

辭免東宮轉官奏狀

右臣伏覩四月二十四日勅下禮部皇太子講禮記終篇官屬  
特轉一官者得非所宜以懼以恐臣聞古者教世子必以禮樂  
禮所以修外樂所以脩內然後恭敬溫文之德備焉三王有道  
之長實本諸此 陛下稽古垂訓 命儒臣講戴經於東序以  
助成儲德可謂同符三代矣而臣叨塵近列參侍承華慙無寸  
長可補三善逮逢卒業彌愧橫息且臣寄祿之階寢崇增秩之  
寵豈至豈特僥倖頻數慮貽身菑亦惟賞或僭差殆將累國伏  
望陛下推明主愛頻災之義念名器不假人之言毋刻贊書



留勸功效益以例而加者上之恩也。因辭而輟者臣之幸也。授受兩得庶其在茲。冒瀆宸聰。臣無任戰汗之至。謹錄奏聞。伏候勅旨。五月日奉御寶批降詔不允。

不允詔

勅某省所奏辭免皇太子講禮記終篇官屬特轉行一官恩命。事具悉。朕惟元良根本之重。固嘗博求名德之彥。以輔翼于東宮。卿稟資直方。蹈道醇正。朕所簡注。俾位端尹。而能敷繹古今。講明法度。開益德性。日以高明。朕甚嘉之。昔元帝以儲君專精博學。謂之國家福祐。今經告訖篇例。進官等亦惟國休所繫。且以致朕心之喜尚。何辭焉。所辭宜不允。故茲詔示。想宜知悉。

乞宮觀第一劄子

臣輒瀝肺肝。投誠君父。內循僭越。如蹈淵谷。伏念臣至愚極陋。本州縣之凡材。不自意蒙被聖知。揚歷華近。常欲策勵。駕塞少效。萬一而才分所局。勉強不前。惟有翫散之文。是臣少習。深欲以此圖報天地生成之德。而用意過當。心氣日損。事多廢忘。動成謬誤。曉夕憂懼。寢食為之不安。今夏嘗披露懇款。僥冀祠祿。伏蒙陛下曲頒詔諭。感極至於無言。尋以宗祀涓休。許臣驂乘。竊惟久濶之盛典。稀世之榮遇。周南留滯。太史所嗟。臣實何



人乃幸遭際是以迂延累月未敢申言今者熙事告成神人懽  
若復貪戀榮寵久而不去誠恐舊疾沉痾有加無瘳討論  
潤色緩急或至闕筆公言可畏邦法難逃是時陛下雖欲保  
全亦將無此及臣所以不避鈇鉞冒昧有今日之請伏望陛下  
下檢會奏授臣一在外宮觀差遣庶使方寸獲安宿恙稍愈則  
臣殺身圖報何敢後於衆人陳情籲天恭俟威命臣無任戰汗  
之至取進止

不允詔

中書舍人鄭丙撰

勅某省所奏劄子乞檢會累奏授一在外宮觀差遣事具悉朕  
惟儒術行而天下富有德進則朝廷尊卿以淵源之學啓迪朕  
心黼黻之文光華國典久服禁嚴之列寔深法委之懷何為抗  
章累求去位况才具優兼於數職春秋尚盛於中年以疾為辭  
誠所未諭其體至意勉為朕留所請宜不允故茲詔示想宜知  
悉

### 乞宮觀第二劄子

臣昨日罄竭愚衷冒塵淵聽乞一宮觀差遣伏蒙陛下訓諭  
再三未忍使之遽去且謂臣自試詞科已簡聖知臣上迫天威  
中銜恩遇精誠雖至辭不寫退朝跼踖恭俟報可豈謂鴻私優



假溫詔復頌捧讀以還感盡而泣因竊伏思陛下所以於臣  
委曲盡眷留之意者以臣進由科目粗習文藝欲令常周旋於  
翰墨間也臣亦知本朝故事內制學士多是十有餘年未嘗輕  
為就去自可優游待從養盡底蘊極書生之榮願何至固守不  
移之愚以自納於不測之誅蓋由臣宿苦心氣年運而往日以  
加甚舊書廢忘無復新功臨文之際屬思艱苦辭皆牽彊常恐  
緩急宣<sup>贊</sup>不能成章玷辱國體無所逃罪是以仰恃殊知思欲  
自為之所又念聖時難遇餘生可惜及今少圖休息免至遂為  
廢人異日尚堪奏薄技於從官之內或稍驅命於矢石之間天  
不可欺臣何敢妄伏望聖慈俯加憐察特賜矜許意迫言繁荐  
瀆君父臣無任戰栗俟罪之至取進止御筆批依已降詔不允  
不得再有陳請

奏謝劄子

臣昨再具劄子乞在外宮觀差遣準尚書省劄子備奉聖旨  
依已降詔不允不得再有陳請伏念臣蠱豸才微鉗鑿器小用  
過其量每深滿溢之憂病乘其衰寢覺精神之耗輒籲天而伸  
懇方伏地以俟誅敢圖推博愛之仁未忍徇投閑之請潄頌恩  
旨曲示眷留傾葵藿之心彌堅此日逐桑榆之暖猶待他時臣



無任感激惶懼之至謹具劄子奏謝以聞伏乞睿照  
繳還殿中監職事申狀

邊準勅差充將來會慶聖節上壽殿中監職事緣某先曾借官  
就都亭驛押宴竊慮至日人使在廷衣帶相妨所有元差勅一  
道并封皮全繳連在前伏候指揮仍連元勅一道并皮十月七  
日三省同奉 聖旨依改差刑部尚書謝廓然其繳到勅令尚

書省毀抹

明堂禮成賀東宮劄子

某等恭覩聖上肇禋明堂精意昭格積雨驟霽迄于熙成神人  
歡欣中外闔懌亦惟殿下顯相君父慈伸貳觴之敬用能助輯  
休祉敷為慶澤天下幸甚

未即詣東宮劄子

某等伏慮連日行礼稍勤未敢趨詣宮庭謹先此稟叙賀悃伏  
乞令照 會慶節賀劄

臣恭遇會慶聖節緣被旨二十八日借官押宴都亭驛不獲拜  
舞駕鸞之行伏願 皇帝陛下睿美萬年奉庭闈之榮養綿區  
一統包唐漢之舊疆永俾生民常躋壽域臣無任瞻天樂聖懽



呼頌詠之至

辭免吏部尚書兼翰林學士承旨奏狀

右臣今月二日準尚書省劄子三省同奉

聖旨除臣吏部尚

書兼翰林學士承旨日下供職者寵光下集感懼中深竊以文  
部設官卿列三銓之首禁林分職命專一老之承諒非望實之  
交孚安得息榮之並授如臣者性資昏鈍問學荒蕪綿力薄材  
事業每居於人後高官厚祿選除常在於衆先毫未答於殊  
知積累更多於幸會儀曹再至禮文獲預於討論翰苑重游典  
冊屢參於潤色已溢餅罌之量方隆天地之恩外朝高南省之

班內直冠北扉之秩求閑而極既難彊於精神宜退而迂亦懼  
招於謗論思適貪饕餮之誚寧干逋慢之誅伏望皇帝陛下明君  
知臣慈父愛子察臣吏才素短詎應付之銓衡憐臣筆力已衰  
難復責之翰墨收還異數改畀實能庶幾毛珩之清可踰於魏  
毋使鄭綯之密可見於唐仰瀆四聰伏須萬坐所有恩命臣未  
敢祇受謹錄奏聞伏候勅旨

不允詔 崔敦詩撰

勅某省所奏辭免除吏部尚書兼翰林學士承旨恩命具悉綜  
銓省之公衡道內庭之密命攷皇朝熙寧而上實為台路之官



閱唐室元和以來專待禁林之老班高地近事重職清曾崇朝  
而並除乃曠代而罕見卿懿文迫古亮節表時英；人物之宗  
憲；邦家之望久在近禁灼知俊心稔光大之德而尊榮朝廷  
藉端醇之度而領袖侍從優錫顯渥夙超常倫當即欽承毋庸  
過遜所辭宜不允故茲詔示想宜知悉

再辭免兼翰林學士承旨奏狀

右臣近具奏辭免新命伏蒙聖慈降詔不允臣仰戴恩遇已滋  
事訖惟是詞禁兼榮至為優禮非臣么麼所能稱塞方欲再伸  
懇悃乞賜寢免茲者恭覩內批付學士院以天官事繁今後非

持旨撰述其餘並免臣有以見 陛下眷待微臣曲尽恩意並  
陞兩職示寵播紳復蠲減撰述寬其思慮剗心噴元何足仰報  
鴻造然臣竊謂優異之禮須待俊傑之人若以凡材而輒冒受  
衆將指議自亦難安且祖宗時學士兼知開封或領三司使免  
撰述者蓋是朝廷差委別領職任有妨赴院非惟異數以便其  
私也官制既行六曹尚書多除翰苑如蘇頌累朝舊德自刑部  
尚書改授吏書始除承旨豈嘗疊組並進仍免常程文字如臣  
今日之優異僥倖乎伏望 陛下矜臣惶恐不敢當之意許臣  
免兼承旨學士使得殫竭智慮效力銓綜以圖報答不惟私義



稍安亦於公論惟乞干冒宸嚴臣無任戰懼俟命之至謹錄奏  
聞伏候 勅旨

不允詔 崔敦詩撰

勅某省所奏辭免兼翰林學士承旨事具悉朕閱唐故事翰苑  
置承旨自鄭絪始凡大誥令大廢置乃俾專受不責以翰墨之  
勞也本朝以學士久次一人為之秩高體重固不常置卿久在  
禁林多歷年所宜峻厥陟用休其勞况綜秉銓衡叙進羣吏亦  
已詔卿免凡撰述唯持命始預畧如唐制矣金門玉堂方倚君  
重宜無辭焉所辭宜不允

第三辭免兼翰林學士承旨劄子

臣近再具奏辭免兼翰林學士承旨伏蒙聖慈特降詔書不允  
恩施隆重踰於丘山便當祇體聖意何敢過為飾避然臣竊念  
分直禁林寔謂高選服勤文字乃其職業若驟進久虛之位仍  
加優逸之禮恐雖宿儒舊德不敢偃然當此臣是何人輒爾冒  
居縱 陛下寵遇微臣在公論必不容恕而况經筵史觀東宮  
僚屬比之同列兼職已多伏望聖慈察其情不自安懼速顛沛  
特賜矜憫許免上件恩命臣誓竭犬馬之力圖報天造取進止  
十一月九日三省同奉 聖旨依已降詔不允



謝表

臣某言伏奉告命除臣試吏部尚書兼翰林學士承旨仍賜對衣金帶魚袋鞍馬者頻年入侍徧塵清近之班兩職並陞復冒殊尤之寵賁服章於朽質被鞶策於名駒異渥昂來危衷震惕臣其中謝臣聞漢以尚書為喉舌唐以翰苑為腹心明光畫省之嚴夔龍接武浴殿金鑿之邃頗收在中凡預選掄已為要劇矧晉膺於印組足增擢於簪紳如臣者天分弗高人才甚下自惟始願不踰州縣之間誰意晚塗寢躡賢豪之上揆分数祈於罷免疏榮更誤於褒遷冠秩序於南宮進班聯於東閣胡瞻鶉

特久慙受祿之無功兼取熊魚彌愧舍生而取豕二儀施大介命輕此蓋伏遇 皇帝陛下文武生知聖神廣運使人也器隨良窳以無遺與物為春春根芟而畢遂是容賤士仍點高門惟聖朝法令之具有初不勞於鑿裁而明主德功之俱懋亦何待於論思第當守三尺以不欺且復盡一心而無隱庶持孤節仰報鴻私臣無任

舉自代奏狀

右臣伏觀宣教郎簽書鎮南軍節度判官廳公事孫逢辰才能之優可剝繁劇文學之敏宜備咨詢臣實不如舉以自代







